

SIKUKUU YA BARAGUMU

 Hebu tuinamishe vichwa vyetu. Bwana, wakati mmoja ilinenwa, na wanafunzi Wako wapendwa, "Tufundishe sisi kuomba." Kwa maana wakati sisi tunapopata kumwona Mungu mkuu wa Mbinguni, tunatambua jinsi tusivyojitosheleza. Kwa hiyo tufundishe kuomba, Bwana, miyoni mwetu sasa, kwa ajili ya mambo ambayo—ambayo yangekuwa na munufaa kwa Ufalme Wako na kwa ajili ya watumishi Wako. Wewe unajua haja ya kila mtu hapa.

² Na hapa kwenye dawati, asubuhi hii, pana leso na vitambaa, na vifurushi vidogo tu kutoka kwa wanaohitaji msaada wa kimwili, na wa kinyumbani, na wo wote ule. Bali Wewe ni Mungu, na Mungu pekee, yule Mungu wa pekee na wa kweli aliyeko. Nasi tunakuomba Wewe katika Jina la Yesu, mwanaao mpendwa, kwamba Wewe utamponya kila mmoja wa hawa. Na yawezekana kuwe na baadhi hapa ambaao hawana leso, au kifurushi, ambaao wanahitaji kuponywa.

³ Yawezekana kuwe na baadhi huko nje katika mataifa, ulimwenguni kote, ambaao hata kanda hii ingewakuta manyumbani mwao au makanisani mwao. Tungeombaa, Bwana, kwamba wakati ibada inaendelea, pale—pale... au kanda inachezwa, au nafasi yo yote tunayoweza kuwamo, au—au hali, yule Mungu mkuu wa Mbinguni na aheshimu huu unyofu wa mioyo yetu asubuhi hii, na kuponya wahitaji, kuwapa wao yale wanayohitaji.

⁴ Tubariki sasa katika ibada inayokuja. Nena kupidia sisi, kwa namna haijawahi kutokea, kwa ajili ya Ufalme wa Mungu. Tunangojea, katika Jina la Yesu, jibu Lako. Amina.

⁵ Utanisaidia kwa hili? [Ndugu Branham anaondoa vitu kutoka mimbarani—Mh.]

⁶ Ni vema kuwa hapa kanisani tena asubuhi hii. Nami nilikuwa nikizungumza tu na baadhi ya marafiki ambaao ndiyo kwanza wamekuja kutoka Ohio, kwa msichana mdogo, ambaye aliletwa hapa chini miezi michache iliyopita, ambaye alikuwa akifa kwa leukemia. Wale watu walikuwa fukara sana, wale wazazi. Nami sina nafasi asubuhi hii kusoma ule—ule ushuhuda ambaao utawekwa katika faili. Bali hapo kuna picha ya yule msichana mdogo baada ya siku tatu, naamini ilikuwa, baada ya kuombewa. Madaktari walimpa siku tatu tu kuishi, na katika siku tatu baadaye hawakuweza kuona hata dalili yake. Na kwa hiyo yuko shulenii, mwenye furaha sana. Nina hakika kanisa linakumbuka wakati tulipokuwa naye hapa chumbani.

⁷ Na pia yule mtoto mchanga ambaye alizaliwa na matumbo, kama, yako nje. Kwa namna fulani wale madaktari, na hii

halı dhaifu ya jinsi matumbo yalivyoumbika, yasingeweza kurudishwa tena. Waliogopa kugusa maskini kiumbe hicho kidogo, ni mtoto mchanga tu aliyezaliwa karibuni. Na sasa, hicho kitoto kidogo kina umri upatao mwaka, nadhani, kitu kama hicho, kikiwa na mtumbo ya kawaida, kila kitu ni kawaida tu kama inavyoweza kuwa. Ni neema tu ya Mungu, jinsi Yeye alivyo mwema kwetu.

⁸ Sasa, leo, ilikuwa nitangaze kwamba ule mukutano ambaو tulikuwa tunapanga, nilikuwa napanga kwenda kwa wki hii ijayo kule—kule Afrika, kule pamoja na Ndugu Joseph Boze, katika Kenya na Tanganyika. Hatuwezi kuwa na ule mukutano, kulingana na simu iliyorejea kutoka kwa Ndugu Boze, “Juma lililopita watatu kati ya wamishenari wetu walipatwa na mauti, walivawa.”

⁹ Nao wana maasi huko sasa. Na wakomunisti wanapenyeza bunduki kwa wenyeji, wakidai wanazo mashua za kuvulia zimeegeshwa kote, Uchina na Urusi; na wakiwapa bunduki wenyeji, nao hawajui kuzitumia vema kuliko kuzitumia kwa kitu cho chote tu wanachokiona. Basi, huko, ile—ile—ile serikali iliona kwamba lisingekuwa jambo la busara kufanya mukutano kwa wakati huu. Na kama ninavyoelewa, pia, ya kwamba Ndugu Boze hawezi hata kufungua shule yake katika eneo hili, mahali nilipokuwa nikienda, kwa wakati huu. Lakini haukufutiliwa mbali, umeahirishwa tu hadi wakati watakapeweza kutuliza jambo hilo tena.

¹⁰ Ni furaha sana asubuhi hii kuona, kati yetu tena, kwa miaka mingi bila kuwepo, Ndugu Jackson, Ndugu Sidney Jackson na Dada Jackson, kutoka Afrika ya Kusini. Wamepata kuzungumza? [Ndugu Neville anasema, “Ndiyo”—Mh.] Na hawa watu walikuwa ndugu zangu halisi na dada, na watenda kazi wenzangu kwenye ile kampeni kule Afrika ya Kusini, ziara ya mwisho kule. Ambako, tunasadiki kwamba siku moja, kwa neema ya Mungu, kurudi kuwa pamoja nao tena, kwa maana ni kwa ajili ya walio na haja.

¹¹ Nami nimekuwa nikijaribu kwa miaka tisa kurudi. Bali, kwa sababu ya madhehebu, na kadhalika, wao hawataniacha nirudi. Kwa hiyo niliwaandikia barua karibuni, nikasema, “Basi hebu damu ya hao watu waliopotea iwe juu yenu na siyo juu yangu.” Kwa maana, naamini kwamba Mungu alikuwa akitaka kutumia huduma yangu kule, kwa ajili ya hao watu, kwa wakati fulani. Na kwa sababu ya tofauti yao ya kimadhehebu, hawataniruhusu nirudi. Lakini, vema, Bwana atalishughulikia hilo.

¹² Sasa, ninalotaka kusema asubuhi hii, kwamba kama Bwana akipenda, Ndugu Neville ameniomba nifanye ibada usiku wa leo, na katika Maskani. Kwa hiyo sisi... Ninyi mnakaribishwa kule. Na kisha Jumapili ijayo, Bwana akipenda, sina budi kuwa hapa, pia; halafu huenda kwa Jumapili mbili au tatu zijazo, kwa

sababu ya kutokuwepo kwa huu, ikiwa ni kufutiliwa mbali kwa huu mkutano ambao ulikuwa ukitayarishwa.

¹³ Sasa, pia tungependa kusema, kwamba, nilisema huenda tungehubiri zile Baragumu Saba kwa wakati huu. Hatukujua tu jinsi gani tungepata kutenda hili katika upungufu wa nafasi katika jengo na kukosekana kwa kibadirisha hewa, hakuna hewa katika chumba. Hakijatayarishwa bado kwa kubaridisha hewa. Nasi tulijaribu kukodi hii shule juu hapa, ambayo imebaridishwa hewa, ambayo inakaa yapata... Loo, sijui; ni pazuri kwa wingi wa nafasi za kukaa, ni shule nzuri sana. Bali hatukuweza kupata cho chote.

¹⁴ Na, ingekuwa, wangetupa juma lijalo. Bali, juma lijalo? Unaona, kuna wageni wanaokuja kutoka sehemu mbalimbali za ulimwengu; kutoka Jamaica, na kutoka Visiwani, na kutoka kusini, hata katika Amerika ya Kusini, na Canada, na Mexico, na nchi mbalimbali. Nasi tulituma taarifa Jumatatu, kisha hawangezipata mpaka mnamo Jumatano au Alhamisi; kisha waombe muda wa mapumziko, na kadhalika, ambayo ingetupa hili nje.

¹⁵ Majuma yafuatayo, kuendelea, mpaka wakati wa shule, ni, ingepasa kuchukua usiku mmoja, na kisha kupumzika kwa usiku mmoja au mbili, kisha kuendelea tena, kisha... Tusingeweza tu kufanya jambo hilo. Usinge faulu.

¹⁶ Sikujuu kwa nini, wakati nilikuwa nimeomba kwa uaminifu. Na kisha ni karibu wakati wetu wa kurudi Arizona tena, kwa ajili ya watoto kwenda shulenii. Na kisha sisi... Nilikuwa nikizungumza na mke wangu.

¹⁷ Na, vema, jana nilikwenda chumbani, na nikasema, "Bwana, na—naweza nisitumie maneno mengi sana, lakini, elewa, tafadhali, Mungu, ninalomaanisha moyoni mwangu. Imekuwa jike kwamba kila kitu kimekatizwa kuhubiri hizo Baragumu?" Na ndipo Yeye alikuja na kufunua hilo. Na sasa, asubuhi hii, nataka kuzungumza nanyi juu ya sababu yake.

¹⁸ Na sasa hebu sisi, ambao mnazo Biblia na mngetaka ku—ku, kufungua Biblia zetu. Tutafungua kwanza Walawi, sura ya 23 ya Walawi.

¹⁹ Kama Bwana akipenda, usiku wa leo nitahubiri juu ya somo: *Kwenda Nje Ya Kambi*. Nao utakuwa mfupi, na kwa hiyo mnaweza kupata muda wa kurudi mahali penu kwa ajili ya kazi.

²⁰ Tuna furaha kuona wageni humu ndani, watu kutoka nje ya mji. Ni watu wangapi walio hapa wanaotoka nje ya mji, wakati tunapoangalia? Asilimia tisini na tano, ndiyo, asilimia tisini na nane ya kusanyiko. Basi, unaona sio Jeffersonville, ni watu wanaokuja Jeffersonville, ambao hufanya... Tuko hapa kwa neema ya Bwana.

²¹ Na sasa nataka kusoma sehemu tatu, asubuhi hii. Mojawapo inapatikana katika Walawi sura ya 23, na nyingine iko katika Isaya 18, na Isaya 27, ninyi ambaao mnaziandika.

²² Na sasa badala ya kuhubiri... Bwana akipenda, nitafanya hivyo usiku wa leo. Bali nataka kufundisha, asubuhi hii, juu ya sikukuu ya zile baragumu saba. Ambapo, mwezi huu ni sikukuu ya baragumu saba, kuanzia...na ambaao ni mwezi wa saba, ambaao ungekuwa tarehe 15 Julai, ulikuwa mwanzo wa sikukuu ya baragumu, katika torati za Walawi.

²³ Basi, na kama mnazo karatasi zenu na kadhalika, na mnataka kuandika Maandiko na vifungu vyta masomo, na kadhalika, tunapoendelea mbele.

²⁴ Kuna jambo moja kwa huu mkutano, kuna joto, nasi tumelizoea hilo miaka nenda miaka rudi. Bali mtu fulani anaweza kufikiri kwamba naamini kwamba wakati tunapoingia katika hili jengo kwamba tunakomesha wakati, huenda ikawa, kwa sehemu, kwa sehemu tuko katika Umilele, kwa jinsi ya muda mrefu ninaowaweka watu. Simaanishi iwe hivyo. Bali naamini kwamba tunaishi karibu sana na Kuja kwa Yesu, hata yanipasa kutumia kila dakika ambapo nimewakusanyisha watu.

²⁵ Nami nilikuwa nikiwaza, pindi nilipokuwa nikiendesha gari barabarani muda kitambo uliopita, nikiwa nimetoka nje kwa ajili ya maombi mafupi kabla tu ya kuingia mimbarani, kama kasisi mwaminifu halisi ye yote anavyofanya. Nilikuwa nikiwaza, "Unajua, tunakuwa na kipindi chenye utukufu mno wakati tunapokutana hapa pamoja! Bali, na watu wanakusanyika kutoka mikoa mingi, wanakaa hapa sasa, kutoka huko mbali, mamia na mamia ya maili, nasi tunakusanyika pamoja kushiriki Neno. Bali utakuja wakati, hivi karibuni, wakati hili litakuwa ni kumbukumbu zuri tu." Hiyo ni kweli.

²⁶ Nyakati hizi zitaondolewa kwetu, basi kwa hiyo ni lazima tutende yote ambayo tunajua jinsi ya kutenda, kufanya hii, kila dakika, inufaishe. Basi wazeni jambo hili sasa, wakati tunapoteseka katika joto la asubuhi. Na, mnajua, kila mwili wa binadamu ni—ni mtambo wa joto, wenyewe, na hilo linafanya iwe hali ngumu kwako. Ila, basi nataka ninyi mlipate Neno.

Sasa, kabla tu hatu—hatujasoma, hebu tuombe.

²⁷ Bwana, karibu kila mtu humu ambaao wanaweza kusogeza mikono yao, wangeweza kugeuza kurasa za Biblia hii. Bali kuna Mmoja tu mionganii mwetu asubuhi hii ambaye anaweza kuifungua Hii; huyo ni yule Roho Mtakatifu mkuu, ambaye yuko kati yetu. Tufunulie Neno, Bwana, tunaposoma, kama Wewe ulivyotenda kwa wanafunzi, walipokuwa wakitembea barabarani wakienda zao Emau, ndipo ukaanza kuwaelezea wao Maandiko. Naomba kwamba sisi, wakati tutakapoondoka, tuseme kama hao ambaao walikuwa wakirudi Yerusalemu kutoka

Emau, "Je mioyo yetu haikuwaka ndani yetu hapo Yeye alipokuwa akisema nasi njiani?" Kwa maana ni katika Jina la Yesu tunaomba hili. Amina.

Hebu na tusimame kwa kulihehimu Neno.

²⁸ Basi, somo langu asubuhi hii ni: *Sikukuu Ya Baragumu*. Nataka kusoma sasa kutoka aya ya 23 ya sura ya 23 ya Mambo ya Walawi.

Kisha BWANA akasema na Musa, na kumwambia,

Nena na wana wa Israeli, uwaambie, Mwezi wa saba, siku ya kwanza ya mwezi, kutakuwa na kustarehe kabisa kwenu, ni ukumbusho wa kuzipiga baragumu, ni kusanyiko takatifu.

²⁹ Sasa katika Kitabu cha Isaya, kuanzia aya ya 1 ya sura ya 18, hili linaunganisha hili pamoja.

Ole wa nchi ya uvuli wa mabawa, iliyoko mbali kupita mto wa Ethiopia;

Ipelekayo wajumbe wake kwa njia ya bahari, na vile vyombo vya unyasi juu ya maji, na kusema, Nendeni, wajumbe wepesi, kwa taifa lililotawanyika... bambuka, kutoka kwa watu watishao...taifa lilolainishwa na kukanyagwa chini, ambao mto umeharibu nchi yao!

Na ninyi watu mkao katika ulimwengu wote, na wenyeji wa dunia, akiinua bendera mlimani, angalieni; na akipiga tarumbeta, sikieni.

³⁰ Katika Isaya 27:12 na 13.

Tena itakuwa katika siku hiyo, BWANA atayapigapiga matunda yake toka gharika ya mto hata vijito vya Misri, nanyi mtakusanywa mmoja mmoja, Enyi wana wa Israeli.

Tena itakuwa katika siku hiyo, tarumbeta kubwa itapigwa, nanyi ambao mko karibu ya kuangamia katika nchi ya Ashuru watakuja, na hao waliotupwa katika nchi ya Misri, nao watamsujudu BWANA katika mlima mtakatifu huko Yerusalem.

³¹ Hebu tuombe tena. Bwana, yabariki haya Maneno katika mioyo yetu. Jalia mawazo yetu na kutafakari kwetu kulingana na kuamuru Kwako. Katika Jina la Yesu. Amina.

Mwaweza kuketi.

³² Kuna mambo mengi sana ambayo mchungaji angependa kusema kwa kusanyiko lake ambalo analipenda, la watu mbalimbali kutoka mahali mbalimbali, ambayo yäsingeruhusiwa kwa sababu ya wakati.

³³ Basi tunapoliedea somo hili, tunataka nyinyi mijisikie huru. Na wengi wenu mmesimama; na pindi nijapo, ukumbi

ulikuwa umejaa, na nje ya milango, na mbele, na kuzunguka jengo, na kando-kando ya kuta. Kwa hiyo, basi, kama mkitaka kubadilishana viti kila mtu na mwenzie, hilo litakuwa jema.

³⁴ Sasa, *Sikukuu Ya Baragumu*. Sasa, hili lilikuwa ni kusanyiko la Israeli, ambapo walikusanyika pamoja, ile sikukuu ya baragumu.

³⁵ Basi, nimekuwa nikikusudia kwa muda ku—kuzungumza juu ya somo la Baragumu Saba katika Kitabu cha Ufunuo. Na sasa tutachunguza hili, kwa kitambo tu, kutoa sababu halisi ya mimi kutozungumza wakati huu, kwa sababu Roho Mtakatifu asingeniruhusu kuzungumza kwa wakati huu juu ya mambo haya. Najua hilo lasikika kuwa la kitoto sana, labda, kwa watu wenye kisomo kikubwa na akili, bali kwa Mkristo ni tofauti. Tuna—tunafuata uongozi wa Roho, huo pekee.

³⁶ Basi, nimeanza kuona wakati wa kuhubiri zile Nyakati Saba za Kanisa, ambazo ni—ni kielelezo, au utabiri wa yote ambayo Mungu alikuwa atende kwa ajili ya yale makanisa, na kupitia katika yale makanisa, na kuyaweka mahali pake.

³⁷ Sura tatu za kwanza za Kitabu cha Ufunuo zinafunua matukio yote kwa Kanisa. Halafu, kutoka sura ya 3 hadi sura ya 19 ya Ufunuo, Kanisa halioneckani tena. Kanisa linapaa katika sura ya 4 ya Ufunuo, na linaludi katika sura ya 19 ya Ufunuo, Bibi-arusi na Bwana Arusi, pamoja, wakija duniani. Na ndipo kutoka sura ya 19 hadi kumalizia sura ya 22, yote ni juu ya Utawala wa Miaka Elfu na yale yatakayotukia katika miaka itakayofuata. Katika kipindi cha ya 4 hadi ya 19, Mungu anawashughulikia Israeli.

³⁸ Naam, basi, wakati tulipomaliza na kitabu cha ufunuo wa kanisa, yale Mungu aliyatendea hayo makanisa saba, ambayo yalikuwa wakati huo katika uchanga wake, au kivuli chake, katika Asia Ndogo. Ndipo Roho Mtakatifu alifunua na kufungua kwetu siri zote zilizomo Humo, za jinsi Yeye amelileta Kanisa Lake kupitia historia. Na kama huna *Nyakati Saba za Kanisa* katika kanda, ingekuwa vema kama ungezisikiza. Na karibuni zitakuwa katika kitabu.

³⁹ Kisha tukiacha hilo hapo, na kudhania bila kuwa na hakika kwamba baada ya muda tungehubiri juu ya Muhuri, pasipo kujua Muhuri ziliikuwa nini.

⁴⁰ Nilikuwa na wazo langu binafsi, kama kila mhudumu afanyakavyo, la kusoma labda kile watu mengine walikuwa wamesema; na kuamini kiasi cha mambo niliyoweza, pamoja nao, juu ya mambo waliyoandika, uamuizi wao. Nilikuwa nimesoma kitabu cha Bw. Smith, Uriah Smith, ambaye ni mwalmi wa Adventisti, na nilikuwa nimesoma mawazo yake—yake juu ya hilo. Nami nilikuwa nimesoma vya Bw. Larkin. Nilikuwa nimesoma, loo, vya wengi sana mbalimbali, kuhusu maelezo yao juu ya jambo Hili. Bali, kwa njia moja au nyingine,

nilifikiri nilikuwa na—na ufahamu mdogo wa jambo hilo, mimi mwenyewe, ambao ungeweza kuwa tofauti mahali pengine. Bali nikijaribu wakati mmoja, kunena tu juu ya masomo matatu, la kwanza . . . au yale masomo manne ya wale wapanda farasi wanne. Nilihubiri juu ya hilo siku nne, usiku mmoja juu ya farasi mmoja, na huo mwингine.

⁴¹ Bali ndipo tu kabla hilo halijatukia, nilipewa ono, ambalo liko katika kanda, kama nyinyi nyote mnavyojua, *Mabwana, Ni Wakati Gani?* kwamba yanibidi kwenda Tucson, Arizona. Na huko nyuma ya jangwa, juu katika mlima, ambako nilikuwa na baadhi ya ndugu, na kuwaambia kuhusu mlipuko mkuu ambao ungetokea, nami . . . Malaika saba walishuka chini. Mimi nikiwaza, mwenyewe, ulikuwa ni mwisho wa maisha yangu: nilimwambia mke wangu akae na Billy, na atakachofanya na hao watoto, na kadhalika, hata tutakapokutana tena nga'mbo ya pili.

⁴² Kisha siku moja katika Magenge ya Sabino, wakati Mungu aliponiita asubuhi na mapema kule juu, nilikuwa kule juu na mikono yangu angani, nikiomba, kisha upanga ukaja mikonomi mwangu. Mnajua hilo. Nilisimama kule na kuutazama huo, kawaida tu kama mkono wangu ulivyo sasa, pasipo kujua hilo lilimaanisha nini. Nao uliachwa kwangu na Sauti iliyo sema, “Huu ni ule Upanga wa Mfalme.” Halafu basi, baadaye, wakati yule Malaika wa Bwana alipofunua hilo, Huo ulikuwa lile Neno mkononi.

⁴³ Mara tu baada ya hilo, Malaika wa Bwana walitokea na kuniambia kuhusu zile Baragumu Saba . . . au zile Muhuri Saba, kwamba ilikuwa nirudi hapa Jeffersonville na kuhubiri zile Muhuri Saba. Na, hapo, kama nimewahi kusema lo lote ambalo lilikuwa limevuviva, ilikuwa katika hiso. Pale ambapo Malaika wa Bwana alikutana nasi, na Biblia ikawa Biblia mpya. Hapo Hiyo ilifunguka na kufunua mambo yote ambayo wale watengenezaji na kadhalika walikuwa wameacha. Ulikuwa ni ule ufunuo mtimilifu wa Yesu Kristo, kwa jumla mpya kwetu, bali mkamilifu sawasawa kabisa na Maandiko. Huo ulikuwa Neno ambalo sikuzote limekuwa. Nilikuwa nimevuviva sana na kuongozwa.

⁴⁴ Kisha wakati nimekuja kwa hii sehemu hapa, ya kuhubiri zile Baragumu Saba, nilikuwa nimewaza, “Vema, sitajaribu kuwaza lo lote. Nitashubiri tu hadi wakati huo na kuacha Yeye alifunue hilo kwangu.” Na ndipo jana wakati nilikuwa . . . nilikwenda chumbani huku sijui ni kwa nini . . . Au, samahani, ilikuwa ni juzi. Wakati nilipokwenda chumbani, kujaribu kuelewa, hapo ndipo Roho Mtakatifu alilifungua hili, kunionyesha mimi sababu gani jambo hilo hata halina manufaa kwa Kanisa kwa wakati huu, sababu halina uhusiano wo wote na Kanisa, kabisa.

⁴⁵ Sasa, zile siri za Kristo zilizofichika zilifunuliwa kikamilifu katika zile Muhuri Saba.

⁴⁶ Ilifunua, kwanza, zile Nyakati Saba za Kanisa, ikafungua zile nyakati na kuziweka hizo mahali pake, kwa historia na kwa Biblia pia, na kuzipanga mahali, jinsi zilivyokuwa. Nasi tukajikuta wenyewe katika wakati wa mwisho wa kanisa, ambaao ni Wakati wa Kanisa la Laodikia, ambaao ulikuwa ndio ulioharibika sana kuliko nyakati zote za kanisa. Hata kutoka lile la kwanza kabisa, kutoka Waefeso, ulikuwa wakati mkuu wa kanisa.

⁴⁷ Na kisha jinsi, hapa, Roho Mtakatifu akinipa mimi ono, na kuona ni nini ingetukia, nilichora ubaoni, miaka miwili iliyopita. Hili hapa katika mchoro, jinsi ambavyo ile Nuru ilikuwa inafifia katika dunia, ambapo ingekeuwa sawasawa na vile Nuru imekuja duniani, kama Injili, na jinsi Hiyo ingefifia na kutoweka. Bila kujua hilo, wakati ule, ilimaanisha nini na jinsi ingekeuwa.

⁴⁸ Bali ulimwengu mkuu wa ekumenia ulikuwa na—na mkutano na Rumi; ndipo Rumi, ambaye ni mama wa madhehebu yote. Papa, kwa mara ya kwanza katika historia, aliondoka Vatican akaenda Yerusalem na mahali pengi. Sasa, Yerusalem ni makao ya kale ya dini yetu yote, ni Yerusalem. Na katika haya makao ya kale, yule papa kutoka Rumi, ambayo imekuwa ni adui mkuu kabisa wa Kanisa nyakati zote, anaondoka anakuja kutembelea Rumi... au kutoka Rumi kwenda Palestina, Yerusalem.

⁴⁹ Na kama tunavyoona, nikiwa sina elimu, mwenyewe, pasipo kujua ma—maneno na jinsi ya kuyanena hayo, sikuzote nimefundisha kwa mifano, kwa vielelezo vyta maumbile. Maumbule yatafuata maumbile. Maumbile ni ya Mungu.

⁵⁰ Unapochukua wakati ng'ombe, wakiwa kondeni, wote wanapokusanyika pamoja pembeni mwa konde, toa ugwe wako wa kuvulia kutoka majini; samaki hawatauma. Kamwe hutawanasa hao; unaona, ng'ombe wanapumzika; isipokuwa iwe kwamba umeutupa mahali wote wamelala. Bali wakati ng'ombe wanaenda kula, angalia. Mara ng'ombe wanapofanya hivyo, ndege pia watakwenda kwenye miti; wataacha kula. Mnaona, ni maumbile. Yote yanapatana pamoja. Tazama nyuki, wakati huo, wanavuma juu ya asali yao, siyo kuikusanya. Maumbile yote hutenda kazi pamoja.

⁵¹ Na kwa hiyo, kama tunavyoona mti ukipukutisha jani, hivi karibuni sasa, katika miezi michache ijayo, hilo jani litaacha huo mti. Na ule—ule uhai, ule utomvu, utakwenda chini katika mzizi. Na jani la mti litapukutika na kuanguka ardhini na litaiza. Na chokaa na—na chumvi-chumvi, na iko katika jani la mti, litaiza katika ardhi. Kulitukia nini? Ule uhai ultangulia kwenda mbele

ya hilo, nao utaunyonya urudi ndani yake, na kurudisha hilo jani tena. Ni kufa, kuzikwa, na kufufuka.

⁵² Na maumbile yote! Na mwezi ni—ni mke wa jua. Ni ile nuru ndogo. Halafu basi, pia, kwamba wakati jua limekwenda, katika kutokuwepo kwa jua, mwezi hurudisha nuru duniani, ambao ni mfano wa kanisa. Na wakati papa anaondoka, yule adui wa kale wa kanisa, na anakuja huku Yerusalem, ambao ni makao ya kanisa; ambapo, Yerusalem mpya na Yerusalem ya kale; tunaona, kabla ya kutenda hilo, kulikuwa na kupatwa kabisa kwa mwezi.

⁵³ Na katika magazeti, kote katika taifa kama tulivyo nayo kwenye ubao wa matangazo, yalionyesha jinsi ambavyo huo mwezi uligeuka kutoka nuru ukawa giza. Na matokeo hasa ya hilo, ambayo huo mwezi ulichora sawaswa, katika mbingu, jambo lile lile Roho Mtakatifu alinifanya kuchora hapa miaka miwili iliyopota, na kuonyesha ile... kufunika ile... Wakati ulifanyika picha sita, nilitia ile ya saba pale, kwa sababu ule wakati wa saba wa kanisa, kivuli tu cha Nuru, kwenda kwa ule... Hapo ndipo Yesu, pale mlangoni, akibisha. Bali huo unaingia giza kabisa.

⁵⁴ Ni mfano jinsi gani, ni Ujumbe jinsi gani kutoka kwa Mungu Mwenyewe, kwamba mambo haya ni Kweli! Akashuhudia hilo kwanza katika Neno Lake, kisha kwa Roho jukwaani, na kisha akatangaza hilo katika mbingu. Hakuna kosa kuhusu hilo kabisa. Hizo Muhuri na Nyakati ziko sawasawa kabisa, kikamilifu, Mungu akishuhudia kwa ishara za mbinguni na maajabu, kwa Neno na historia, yote yakiwekwa pamoja, katika wakati ambao sisi sasa tunaishi.

⁵⁵ Sasa ni vigumu kwa makanisa kuona hili. Ni vigumu kwa madhehebu kuliona. Hao sikuzote wanajaribu kufikiria ya kwamba unajaribu kuwakemea watu. Hufanyi hivyo; unajaribu kuwaonya watu. Siyo kujaribu kuwa mwovu kwao; unajaribu kuwatoa katika uovu. Siyo watu waliomo katika madhehebu; ni utaratibu ambao wamo ndani yake, ndio unaowaletea laana. Watu wanyofu, waaminifu ni Wakatoliki, Waprotestanti, Wayahudi, na kadhalika. Ni wanadamu ambao—ambao...

⁵⁶ Watawa hawaendi katika nyumba za utawa wapate kuwa wanawake wabaya; huenda kule wapate kuwa wanawake wazuri. Wanajaribu kuwa karibu zaidi na Mungu, bali ule utaratibu ndio unawachafua. Watu hujiunga na kanisa, siyo awe mtu mbaya, bali awe mtu mzuri. Bali ni ule utaratibu wa kanisa ndio unaowavuta wao kutoka katika Neno na miongozo ambayo Mungu ameiweka kwa ajili ya siku hii; na hilo ndilo huwatoa wao nje.

⁵⁷ Sasa kumbuka, Mungu ni Neno, na kila wakati Yeye ametenga Neno kwa kila wakati ambao ungekuwa katika dunia.

Yeye alitenga Hilo katika ule wakati wa kanisa, na zile Muhuri Saba zilifunua kila sehemu ya Hilo. Mnaona?

⁵⁸ Kwa nini kulikuwa . . . zilikuweko siri ambazo zilikuwa bado zimefichwa? Ufunuo 10, tunaona, katika mwisho wa Ujumbe wa malaika wa saba, kwamba, hizo siri ambazo zilikuwa zimefichwa zingefunuliwa, Ufunuo 10:1 hadi 7. Angalia, sababu yake ni kwamba hakukuweko na manabii katika wakati huu. Biblia ilisema, kwamba, “Mungu hatafanya neno lo lote mpaka Yeye afunue hilo kwa manabii Wake, watumishi Wake, wale manabii.” Na Neno la Bwana katika nyakazi zote sikuzote limekuja kwa manabii, kamwe siyo kwa shirika, kamwe siyo kwa kundi.

⁵⁹ Mungu hakutumia kundi kamwe. Kila wakati kundi lo lote la watu walipounda madhehebu, Mungu aliliacha na kamwe hakurudi. Chunguza historia uone kama hiyo ni kweli au siyo. Tayari tumefanya hilo. Kamwe Yeye hashughuliki na shirika au kundi, baada ya wao kuunda madhehebu; yako dhidi ya Mungu.

⁶⁰ Kwa hiyo, katika wakati wa yale matengenezo, walikuja watengenezaji, kama zile Muhuri Saba zilivyodhibitisha kwamba ndivyo ilivyokuwa. Bali katika siku za mwisho sasa, ilikuwa ifunuliwe tena. Kwa sababu, tunaona katika Andiko, katika Malaki 4, kwamba kutakuwa na upako utakaoshuka na kurejesha tena hiyo Imani ya kwanza, “na kuirudisha imani ya watu katika pentekoste ya kwanza, Imani ya wale baba.”

⁶¹ Nasi tulimchukua yule Eliya wa mara ya kwanza; tulimchukua Elisha kumfuata huyo; tulimchukua Yohana Mbatizaji baada ya hapo, ambaye alikuwa Elisha wa siku hiyo; na ahadi ya mwingine katika siku hii.

⁶² Sasa, Yohana Mbatizaji hakuwa Elisha wa Malaki 4. Alikuwa Elisha wa Malaki 3. Yesu alisema hivyo. “Tazama, namtuma mjambe Wangu mbele ya uso Wangu, atakayeitengeneza njia.” Tunamwona huyo akiwa hilo.

⁶³ Sasa, katika kufanya hivyo, katika kutafuta nafasi hizo, tunajua kwamba Maandiko mengine yote, yalivuviwa na Mungu, yanatufunulia ya kwamba, tuko katika siku ya mwisho.

⁶⁴ Sasa, kama nikija na ujumbe wa Pentekoste, ningekuwa katika Wakati wa Kanisa la Laodikia, na isingekuwa sawa.

⁶⁵ Hiyo ndiyo sababu ya kwamba Wesley asingeweza kuchukua ujumbe wa Luther. Luther alikuwa katika wakati mmoja, wakati wa kanisa, na Wesley alikuwa katika wakati mwingine wa kanisa. Kama Yesu angekuja katika . . . na ujumbe wa Musa, huo usingetenda kazi. Kama Musa angekuja na ujumbe wa Nuhu, huo usingetenda kazi.

⁶⁶ Bali Mungu ametenda kwa watu Wa—Wa—Wake, wa kila wakati, Andiko. Na kabla ule wakati haujaweza kutokea, muda

wake, ndipo huchanganyikiwa sana sana hata wao—wao huwa hawajui mahali walipo.

⁶⁷ Hiyo ndiyo sababu wanashindwa kumtambua Yesu kuwa Mwana wa Mungu. Wao, mapokeo yao yalikuwa yemeyapofusha macho yao, bali Yeye alikuwa sawa kabisa na Maandiko.

⁶⁸ Manabii walikuwa vile vile. Yesu alisema, “Ni yupi kati yenu, kati ya baba zenu, hakuwapiga mawe hao manabii ambao walitumwa kwenu?” Basi Mungu hutuma nabii Wake, kwa . . . na yule nabii ni Neno la Mungu linaloishi, likidhihirishwa.

⁶⁹ Yesu alisema, “Mwawezaje kunihukumu Mimi, kwa kusema, ‘Mimi ni Mwana wa Mungu,’ nanyi mnaita, katika torati yenu wenyewe . . . Mlisema, wale ambao Neno la Mungu liliwajia,” ambao walikuwa manabii, “mliwaita ‘miungu.’ Nao ndivyo walivyo, kwa maana Maandiko hayawezi kutanguka,” Yeye kasema. “Basi mtanihukumuje Mimi?” Ambapo Yeye ni . . . Wao walikuwa sehemu ya torati, wao walikuwa sehemu ya Neno la Mungu, bali Yesu alikuwa ukamilifu wa Neno la Mungu. Mpango Wake wote wa ukombozi, utoshelevu wote wa Mungu, ulikuwa ndani Yake.

⁷⁰ Na sasa, kupitia nyakati za kanisa, wametenda jambo lile lile. Na zile Muhuri Saba zitafunua siri zote ambazo ziliachwa katika kipindi hicho, kwa sababu hatukuwa na manabii, na Neno haliwajilii watengenezaji. Manabii!

⁷¹ Mungu habadiliki. Katika Malaki 3, kasema, “Mimi ni Mungu, Nami sina kigeugeu.” Njia ya kwanza ya Mungu kutenda jambo lo lote, hiyo ndiyo njia ya Mungu ya kutenda lo lote. Mungu aliamua Yeye angemwokoa mwanadamu kwa Damu iliyomwagika ya Asiye na hatia, katika bustani ya Edeni, Nayé kamwe hajabadilisha hilo, na hawesi kulibadilisha. Tumejaribu, kwa elimu, kwa majumba, kwa taratibu, kwa madhehebu, kwa maadili, na cho chote kile, na zote zimeshindwa. Bali kuna mahali pamoja pekee ambapo Mungu hukutana na mwanadamu, hapo ni, chini ya Damu iliyomwagika ya Asiye na hatia. Kwa Damu pekee! Huo ulikuwa uamuzi Wake wa kwanza. Unaona?

⁷² Sisi tunaweza kufanya uamuzi, na mwaka ujao tunaweza kuwaza vizuri zaidi. Tunalo wazo zuri zaidi la jambo hilo, mwaka unaofuata. Mungu hawesi; Yeye hana mwisho. Uamuzi Wake wa kwanza ni mkamilifu; hakuna jambo linaloweza kuuondoa. Nawesa kujifunza zaidi; tuna kikomo. Nawesa kujifunza zaidi; unawesa kujifunza zaidi. Bali Mungu hawesi kujifunza zaidi; Yeye kwanza ni makamilifu. Na, kwa hiyo, uamuzi Wake wa kwanza, tegemeza nafsi yako juu ya huo. Biblia isemalo, hilo ndilo!

⁷³ Mungu atauhukumu ulimwengu siku moja. Na Wakatoliki wanasema Yeye atauhukumu kwa kanisa la Katoliki. Kama hiyo ni kweli, ni kanisa la Katoliki ipi? Yanatofautiana, moja kwa lingine. Kama ukienda kuuhukumu kwa Waprotestanti,

ni kanisa lipi la Waprotestanti? Yanatofautiana, moja kwa lingine. Na ingekuwa kidogo inatatanisha; hakuna hata mmoja angejua asimame wapi. Kama Wamethodisti ni sahihi, Wabatisti wamepotea. Kama M protestanti ni sahihi, Mkataliki amepotea; Mkataliki ni sahihi, M protestanti amepotea.

⁷⁴ Bali Biblia ilisema kwamba Yeye atauhukumu ulimwengu kwa Yesu Kristo, Naye ni Neno. Basi, Yeye atauhukumu kwa Neno.

⁷⁵ Na madhehebu yote yanatoka nje ya Neno hilo, kutengeneza kanuni zao za imani. Namuuliza ye yote athibitishe kwangu ni wapi wanachukua Neno lote. Hawawezi kutenda hilo, kwa sababu yanatawaliwa na utaratibu wa mwanadamu. Unapokuwa na mwanadamu...

⁷⁶ Mungu kamwe hajawahi kushughulika isipokuwa na mtu mmoja kwa wakati mmoja. Yeye kamwe hata hakuwa na manabii wawili kwa wakati ule ule. Mmoja! Mungu anaweza kumpata mtu mmoja mkononi Mwake. Yeye hashughuliki na wewe, madhehebu yako; Yeye anashughulika na wewe.

⁷⁷ Basi, juu ya msingi huo, tunakuja kwa sikukuu ya baragumu, zile siri zilizofichwa. Imetabiriwa itakuwa namna hiyo, kwa hiyo ilipasa kufunuliwa jinsi ilivyokuwa. Bali ipate kufunuliwa katika siku hii ya mwisho, kutimiza sawasawa ambayo nimekwisha sema hivi punde, Malaki sura ya 4, Luka sura ya 17 na ile—ile aya ya 30, jinsi Yeye angetenda hilo, na Waebrania 13:8, Waebrania 4:12, na mengi ya hayo Maandiko ambayo yanatwambia. Sasa, kama hilo ni geni kwa baadhi yenu, hebu niseme kwamba Mungu sikuzote... Njia Mungu anayojulikana mionganoni mwa watu ni kuwa wa kinabii.

⁷⁸ Wayahudi sikuzote walijua kuwaamini manabii wao. Yeye alisema, "Kama akiwamo mmoja mionganoni mwenu, Mimi Bwana nitasema naye katika ndoto za kiroho na katika maono. Na, ayasemayo yakinimia, basi msikieni." Wao sikuzote walikuwa...

⁷⁹ Hivyo ndivyo wao walivyoshindwa kumtambua Yesu, ikawabidi kumfanya Yeye kitu kingine, kwa hiyo walimfanya Yeye pepo mbaya, "Beelzebuli," kwa sababu aliweza kupambanua mawazo yao yaliyokuwa miyoyoni mwao. Sisi sikuzote tunajua kwamba hiyo ni ishara ya Neno.

⁸⁰ Waebrania sura ya 4, aya ya 12, kasema, "Neno la Mungu ni kali kuliko upanga ukatao kuwili, tena li jepesi kuyatambua mawazo na makusudi ya moyo."

⁸¹ "Huyo Roho Mtakatifu atakapokuja juu yenu, Yeye atawakumbusha mambo haya ambayo nimewaambia, na atawaonyesha mambo yajayo."

⁸² "Mungu katika nyakati mbalimbali, kwa njia nyingi," Waebrania 1, "alisema na baba zetu katika manabii, katika hizi

siku za mwisho amesema nasi katika Mwana Wake, Yesu Kristo.” Mungu yule yule alibadilika tu kutoka kwa manabii hadi kwa Mwana. Ni hivyo tu. Unaona? Sikuzote Ujumbe ule ule, njia ile ile ya kutenda hilo.

⁸³ Sasa, imetabiriwa kwamba makanisa yangekuwa katika hali hii, yalipaswa kurejeshwa upya tena. Na Yeye alisema, katika Malaki 4, kwamba angemtuma “Eliya nabii, naye angewarejesha wale—wale watu tena,” pamoja na . . . kuleta hiyo. Angalia. Na kabla tu . . . Au, mara tu baada ya Ujumbe wake, kutakuwa na wakati ambapo ulimwengu utateketea, na wenyewe haki watatembea nje juu ya majivu.

⁸⁴ Sasa, kwa baadhi ya wanatheolojia ambao wanaweza kuwa wanasikiliza kanda, mahali fulani kote ulimwenguni, kama unafikiri kwamba huyo alikuwa Yohana, kumbuka, basi, yale Maandiko yamekosea, kwa maana ulimwengu haukuteketea baada ya ujumbe wa Yohana. Yesu hakuja na kuwapeleka watu katika Utawala wa Miaka Elfu; bali Yeye ameahidi kutenda hilo baada ya Roho ya Eliya kuja duniani tena.

⁸⁵ Angalia sasa katika Malaki 4, tunaona hapa kwamba hili linapaswa kufanywa kurudisha (nini?) imani ya watu tena kwa wale baba wa kwanza, Fundisho la pentekoste, wale baba wa kwanza. Naye atawarudisha watu kwa wale baba.

⁸⁶ Tunaona katika Luka 17, Yesu alisema kwamba wakati Yeye atakapokuja katika siku hizi za mwisho, Luka 17:33, tunaona kwamba Yesu alisema, “Kama ilivyokuwa katika siku za Lutu, ndivyo itakavyokuwa katika kuja kwa Mwana wa Adamu, wakati Mwana wa Adamu anapofunuliwa.”

⁸⁷ Sasa angalia, Yeye alikuja katika majina matatu ya wana. Alikuja katika jina la Mwana wa Daudi . . . Ama, Mwana wa Adamu, Mwana wa Mungu, Mwana wa Daudi.

⁸⁸ Naam, alikuwa amekuja kama Mwana wa Adamu, kwa maana alikuwa Nabii. Yehova, Mwenyewe, aliwaita manabii, “mwana wa Adamu.” Naye Yesu hakujiita Mwenyewe kama Mwana wa Mungu. Yeye alijiita, daima, kama Mwana wa Adamu. Pia angalia, Yeye alijifunua wakati huo kama Nabii, Mwonaji. Kasema, “Kama sizifanyi kazi za Baba Yangu, basi msiamini.” Yeye alitimiza kila sifa iliyonenwa kwa ajili Yake katika Maandiko, hata kwenye kifo Chake, kuzikwa, kufufuka; kusulubiwa Kwake, kuzaliwa Kwake, yote. Na katika kazi Yake, Yeye alitimiza sifa za Mwonaji, Mwana wa Adamu.

⁸⁹ Sasa Yeye amekwisha kufunuliwa kupitia nyakati za kanisa, sasa angalia, kupitia nyakati za kanisa, kama Mwana wa Mungu. Mungu akiwa Roho, Roho Mtakatifu, Yeye alijifunua katika nyakati za kanisa, katika kusanyiko, kama Roho Mtakatifu mionganoni mwa watu.

⁹⁰ Tunaona, katika Wakati wa Kanisa la Laodikia, ule wakati wa mwisho wa kanisa, Yeye amewekwa nje ya kanisa. Hakuna

mahali pengine Yeye alipata kuwekwa nje, katika wakati wo wote, ila katika Wakati wa Laodikia. “Kwa maana, wao walisema, ‘Tu matajiri wala hatuna haja ya kitu.’ Wala hujui ya kwamba wewe u mwenye mashaka, maskini, uchi, na kipofu, wala hujui.” Yeye aliwekwa nje ya huo wakati wa kanisa.

⁹¹ Halafu, kulingana na Luka 17, Yeye alisema, “Kama ilivyokuwa katika siku za Sodoma, ndivyo itakavyokuwa katika kuja kwake Mwana wa Adamu.” Sasa, Yeye alikuwa akisoma Mwanzo ule ule tunaosoma. Angalia, kule Sodoma, yale yaliyotukia. Kulikuwa nini kule Sodoma? Ibrahimu . . .

⁹² Siku zote kuna tabaka tatu za watu. Kulikuwa na Ibrahimu, aliyeteuliwa na kuitwa, nje ya Sodoma yenyewe. Kulikuweko na Lutu, mfuasi wa kanisa, ama mtu wa kimadhehebu, kule chini; alikuwa amekuwa sehemu ya ulimwengu huo, kwa kuwa meya wa lile jiji, alikaa kwenye lango; alikuwa hakimu, ambaye ni meya. Na kulikuwa na Sodoma, yenyewe.

⁹³ Sasa, wakati wa jioni, mchana, wakati Ibrahimu alipokuwa chini ya mwaloni, Malaika watatu wakamtokea. Wawili wa hao wakashuka kwenda Sodoma, wakahubiri Injili na kujaribu kuwaita watoke. Wasingetoka; walikuwa wamepotoshwa. Lutu, na mkewe, peke yao, na wawili wa binti zake, wakaanza kutoka. Kisha mkewe akageuka akawa nguzo ya chumvi.

⁹⁴ Bali yule aliybaki na kuzungumza na Ibrahimu, ambaye Ibrahimu alimwita, “Elohim, Mwenyezi.” Mwanzo 1, “Mungu! Hapo mwanzo, Mungu,” Elohim, Yeye a—a—ajitoshelezaye kwa yote, Yeye aishiye kwa nafsi Yake. Ibrahimu alimwita Yeye, “Elohim.” Naye akaketi na kula pamoja na Ibrahimu; akanya; Yeye alikuwa katika mwili wa kibinadamu. Basi tazama ishara aliyompa Ibrahimu.

⁹⁵ Naam, wao walikuwa wakimtzamia mwana aliyekuwa aje, mwana wa ahadi, Isaka. Miaka ishirini na mitano, katika safari ndefu, walikuwa wamemtzamia, bali walikuwa wamefikia kikomo cha safari yao. Mungu alikuwa amewatokea katika njia nyingi, kama alivyofanya katika nyakati za kanisa, katika Nuru, na kadhalika, kama alivyonena na Ibrahimu, kwa sauti. Lakini kabla tu ya yule mwana aliyahidiwa kuwasili . . . Sasa tumepitia hayo, nanyi mnajua ninayarudia tu, kuwaelezea jambo hili. Ya kwamba, Yeye aliubadilisha mwili wa Ibrahimu na Sara, mara baada ya jambo hili, kusudi wapate kumpokea yule mwana.

⁹⁶ Tazama, ishara ya mwisho walivopata, kabla ya yule mwana kuwasili, ilikuwa Yehova akinena nao katika umbo la mwanadamu. Na vile walivyojua huyu alikuwa Yehova, ni kwa sababu Yeye alisema, “Ibrahimu,” si Abram. Siku chache tu hapo kabla, Mungu alikuwa amebadilisha jina lake. “Yuko wapi mkeo, Sara?” Si S-a-r-a-i; bali S-a-r-a, “binti mfalme.”

Ndipo Ibrahimu akasema, “Yuko kwenye hema, nyuma Yako.”

⁹⁷ Naye akasema, “Mimi,” hicho ni kijina cha nafsi, “Nitakuzuru kulingana na ahadi Yangu. Wakati huu mwakani, siku ishirini na nane zijazo, kitu fulani kitatukia kwa Sara.”

⁹⁸ Naye Sara, kwenye hema, akatabasamu kindani, akasema moyoni mwake, “Jambo hili linawezekanaje, niwapo mkongwe; nipate furaha na bwana wangu, ambaye pia ni mzee, Ibrahim?”

⁹⁹ Kisha yule Malaika, ama yule Mtu, akasema, “Mbona Sara akasema hivyo moyoni mwake?” Akiwa hemani nyuma Yake! “Mbona akasema mambo haya hayawezekani?” Mnaona? Mtu katika mwili wa kibinadamu, kama nabii, hata hivyo ilikuwa ni Elohimu akilitambua wazo lililokuwa katika moyo wa Sara, nyuma Yake.

¹⁰⁰ Naye Yesu alisema, “Kama ilivyokuwa katika siku za Lutu, ndivyo itakavyokuwa katika ukamilifu wa dahari, wakati Mwana wa Adamu,” si Mwana wa Mungu, “wakati Mwana wa Adamu atakapokuwa akifunua.”

¹⁰¹ Hatukuwa na jambo hilo kote katika wakati. Waona huo mwendeleo mkamilifu wa Maandiko? Hapa tunaishi ndani yake. Zile siri; hata ya ubatizo katika Jina la Bwana Yesu, na mbali na wazo la Umoja; na mambo haya mengine, jinsi Roho Mtakatifu ameliingiza hilo ndani na kulionyesha kikamilifu; na ule Ubatizo wa kweli wa Roho Mtakatifu, ile Ishara, na kila kitu, na akakiweka; na jinsi alivyomweka kila mtengenezaji na kila kitu, sawasawa kabisa. Na, mnaona, moja kwa moja mbele ya macho yetu wenyewe, na si pembeni. Inajulikana katika ulimwengu mzima. Yesu, Mwana wa Mungu, akijifunua Mwenyewe kwa Maandiko, akilifanya Andiko hilo ambalo limechaguliwa tangu zamani kwa ajili ya siku hii, kama ilivyokuwa katika siku ile na siku zingine zote, liishi. Na, kuamini Hilo, ndio dhihirisho la Roho Mtakatifu.

¹⁰² Haki, huwezi kutamka kwamba “kwenda kanisani” ni dhihirisho la Roho Mtakatifu. Kama ukifanya hivyo, basi hao Mafarisayo walikuwa Naye. Unaona? Huwezi kutamka “kutetemeka au kurukaruka” kuwa ndiko... Kama ukifanya jambo hilo, makafiri wanaye. Kama ukisema, “kunena kwa lugha,” ni-ni ibada gani ya ibilisi isiyonena kwa lugha? Niambie moja.

Ndugu Jackson anayeketi hapa kwa ajili ya Afrika, kutoka Afrika, ye ye angeweza kuwaambia jambo hilo. Nimekuwa kwenye kambi za Wahindi huku, nikaona wachawi na walozi wakijikatakata, na kumwaga damu yao wenyewe, na kunena kwa lugha; na-na mchawi anafasiri hayo, na nikawaona wakiweka penseli chini na kuandika katika lugha zisizojulikana. Kwa hivyo hizo sizo. Bali kama...

¹⁰³ Dhihirisho la kweli ni nini? Yesu alisema, “Aminini ya kwamba Mimi Ndiye.” Naye ni Neno.

¹⁰⁴ Kwa nini hawakulipata? Kwa nini Wayahudi hawakulipata? Wao walikuwa watu wenyе haki; walikuwa watu wema; walikuwa watu watakatifu, na kulikuwa na watu wa kila namna; lakini, kwa wale waliochaguliwa tangu zamani kulisikia Neno!

¹⁰⁵ “Basi unajuaje kama ni Neno? Kila mtu husema jambo hili.”

¹⁰⁶ Ni ahadi ya Biblia ikithibitishwa ya wakati huo, naam, ndipo unarudi mahali alipo Roho Mtakatifu. Angalia mlion wa baragumu mnamo dakika chache, yale inayotangaza. Baragumu, baragumu ya Injili, angalia ni nani anayeweza kuisikia. Kumbuka, hao waliokuwa kwenye miji yenyе maboma wasingeweza kutoka katika yubile. La, bwana. Wao walikuwa kwenye maboma; walikaa mle. Ilikuwa imekwisha; walikuwa watumwa katika maisha yao yaliyosalia, nao iliwabidi kutiwa alama. Sasa tunapoona mifano hii yote, angalia.

¹⁰⁷ Naam, matendo haya, Malaki 4, na yote haya, na Waebrania 13:8, “Yesu Kristo yeye yule jana, leo, na hata milele,” Yeye hudumu Neno daima, Neno lilolidohihirishwa. Hivyo ndivyo hasa alivyowatangaza manabii. *Nabii halimaanishi tu* “mwonaji ama mtabiri,” linamaanisha “mfunuzi wa Neno lililoandikwa.” Katika maisha yake mwenyewe, kazi zake mwenyewe, hufunua na kuthibitisha Neno la siku hiyo; kama vile Nuhu akijenga safina; Musa kule chini; na kadhalika; na ahadi yo yote, Neno lililoahidiwa kwa ajili ya saa hiyo.

¹⁰⁸ Sasa tunajua ya kwamba Yeye yuko pamoja nasi. Tunaamini jambo hilo. Mnaona Neno Lake likidohihirishwa, kwa picha, kwa Maandiko, kwa matangazo Mbinguni, duniani, kila kitu alichosema. Halijashindwa hata wakati mmoja. Namwomba mtu ye yote anionyeshe, kutoka sehemu mbalimbali nchini, ama kila mahali ulimwenguni, una—unawajibika kuniandikia na kuniambia, mahali ambapo lilipata kushindwa wakati mmoja. Kamilifu, neno kwa neno, sasa, hiyo ndiyo ahadi.

¹⁰⁹ Kwa nini ilikuwa kwamba Yeye aonekane katika siku hizi za mwisho? Kama ukirudi nyuma, nanyi mnaosikiza kanda, kwenye *Mti wa Bibi-Arusi*, na kuleta ambapo Kristo alikuwa, ule Mti uliokuwa katika bustani ya Edeni. Adamu wa kwanza ambaye alianguka; na huyu Adamu wa Pili alikatiliwa mbali na dhambi. Wao walimsulubisha kwenye mti wa Kirumi, na kutoka humo ukatolewa... ukatoka Mti wa Bibi-Arusi ambao aliahidi, ambao tunauona katika Maandiko, sasa, kusudi ampage Bibi-arusi.

¹¹⁰ Kama vile piramidi, jinsi ilivyokuja katika uchache wakati wote, kutoka kwenye ule upana mkuu; kutoka kwa Luther, Wesley, Pentekoste, halafu jiwe la kufunika kwenye kilele chake limechongoka hivyo, na kila moja ya mawe hayo yamewekwa pamoja kikamilifu sana. Nasi hatujui bado jinsi walivyofanya jambo hilo, lakini yamewekwa pamoja kikamilifu sana katika hiyo piramidi! Nasi hatufundishi piramidi sasa, tunaninino tu...

¹¹¹ Henoko na hao wengine walijenga, miaka kadha iliyokwisha, nayo inasimama kama mfano. Kama tu vile juu linavyochoomoza na kutua; kama vile tu mti hupukutisha maisha yake, jani lake, na kuchipuka tena; kama samaki, na ng'ombe, na kila kitu kinavyoonyesha mfano wake. Ile piramidi inasimama kama mfano.

¹¹² Ingia kwenye chumba cha nabii na uangalie hizo hatua saba. Ni wapi ninino—ni wapi mlinzi alipokabiliana na lile sai la mja kuja mbele ya mfalme? Kwenye kilele cha vile vipandio; ilikuwa kwenye hatua ya saba. Hapo inaonyesha ya kwamba hatuna budi kuja tena na Roho yule yule aliyekuwa kwa Yohana; ye ye alimjulisha Masihi. Yeye alikuwa mkuu kuliko manabii wote; ye ye alimjulisha. Nasi hatuna budi kufikia mahali, tena, kwenye kitu ambacho kitamjulisha Masihi.

¹¹³ Na Masihi ataninino pipi... watu wanaomwamini watajua jambo hilo pipi isipokuwa wawe daima katika Neno, kujua Yeye ni nani! Danieli alisema, “Wenye hekima watajua; bali wapumbavu, wasio na hekima, hawatajua. Watamjua Mungu wao.” Sasa, sasa, jinsi atakavyoonekana katika siku za mwisho, ni kuwarudisha watu kwenye Neno, kusudi Bibi-Arusi apate kumjua Mumewe, amjue Mwenziwe, Neno lililofunuliwa. Hiyo ndio sababu jambo hili halina budi kutukia.

¹¹⁴ Haikuwa katika wale watengenezaji; haikuwa katika Luther, Wesley, na—na Wapentekoste, na hao wengine. Maandiko yanasema haikuwa.

¹¹⁵ Bali itakuja. Hiyo ni ahadi Yake kwa ajili ya wakati huu. Tunaishi katika wakati ambapo Kuja Kwake kutatukia. Bibiarusi hana budi kutambulishwa ndani Yake. Mwanamke ye yote hana budi kutambulishwa na mumewe, kwa maana hao wawili ni mmoja. Naye Bibi-arusi wa Kristo hana budi kujitambulisha pamoja Naye, kwa maana hao wawili ni Mmoja; Naye ni Neno, si madhehebu. Neno! Inatupasa kuwa watoto wa Nuru, nayo hiyo Nuru ni Neno lililofanywa Nuru kwa ajili ya wakati huu. Tunajuaje Nuru isipokuwa itoke kwa Neno? Vema. Neno lililofanyika mwili ndilo Nuru ya huo wakati; unapoiona, na Biblia ilisema jambo hilo.

¹¹⁶ Hao watu wakimwangalia Yesu pale, na kusema, “Vema, huyu Mtu, Yeye ni Nani? Mbona, Yeye amezaliwa, uzazi wa haramu chini kule. Mbona, baba yake na mama yake ni *hivi, vile*, na *vinginevyo*, na hayo yote pale.” Bali wao hawakumjua Yeye. Kama wangeyajua Maandiko, wangalimjua Yeye. Yeye alisema hivyo.

Wao walisema, “Sisi ni wanafunzi wa Musa!”

¹¹⁷ Kasema, “Kama mlimjua Musa, mngelinjua Mimi, kwa maana Musa aliandika habari Zangu.” Na bado ni vipofu sana wasiweze kuliona Hilo!

¹¹⁸ Mnaona lilivyo nyenyekevu? Mbali na makundi ya watu, na madhehebu, na kanuni za imani, na kila kitu. Mungu alilingia moja kwa moja, katika mwili, katika umbo la Mwanadamu, Mkombozi wa Jamii yetu.

¹¹⁹ Yeye hana budi kutambulishwa pamoja Naye. Sisi tumealikwa kuwa watoto wa Nuru, kwamba tutembee katika Nuru.

¹²⁰ Nakumbuka huko chini Kentucky, hapa si muda mrefu uliopita, nilikuwa na mukutano. Kule nje, baada ya mimi kutoka kanisani, ambako kulikuwa na mzee mmoja aliyekuwa amesimama, ameshika taa mkononi mwake. Yeye alikuwa mshirika wa kanisa ambalo haliamini katika kuponya, na kadhalika. Kasema, “Si—sikubaliani nawe, Ndugu Branham.”

Nikasema, “Vema, una haki ya kufanya jambo hilo.”

¹²¹ Yeye akasema, “Unaona, mimi sitakubali cho chote ila nikione. Sina budi kukiona, dhahiri kabisa.”

¹²² Nikasema, “Basi uliwhahi kumwona Mungu, dhahiri kabisa, amesimama mbele yako?” Bila shaka, yeye hakuamini vitu kama maono na kadhalika.

Akasema, “La.”

¹²³ “Mbona,” nikasema, “basi wewe si mwamini, bwana. Nisingeweza kuzungumza nawe. Mnaona? Mnaona? Tunaona kile anachoahidi Mungu na kushikilia Hicho.”

¹²⁴ Yeye akasema, “Unaonaje jambo hilo?” Nikasema . . . Yeye akasema, “Njoo, twende nyumbani pamoja tukazungumze usiku wa leo.”

Nikasema, “Siwezi; ningetaka kufanya hivyo. Unaishi wapi?”

Yeye akasema, “Unapanda mlima huu hapa.”

¹²⁵ Nikasema, “Utafikaje kule? Huioni nyumba yako?” A-haa. A-haa. Naam. Naam.

Yeye akasema, “Vema, kuna kinjia kinachoenda upande wa pili wa hiki kilima.”

Nikasema, “Hukioni hicho kinjia.” A-haa.

Akasema, “Vema, nina taa.”

¹²⁶ Nikasema, “Hiyo taa haitatoa mwangaza wa kufika moja kwa moja nyumbani mwako. Loo, la. Bali kinjia kile kitaongoza hadi kwenye ile nyumba. Bali ile taa itaonyesha nuru hatua kwa hatua.”

¹²⁷ Tutatembea Nuruni, Nuru nzuri sana; hatua kwa hatua, Bwana, kuja karibu zaidi na Yeye. Naam. Enyi watoto wa Nuru, likubalini Neno Lake, endeleeni kutembea kisha mwangalie hayo mengine yakijifunua. Msiliache, haidhuru mtu mwengine ye yote anasema nini. Dumuni moja kwa moja katika Hilo

na mwendelee kutembea katika Hilo, mtaliona likijieleza na kujifunua. Neno ni Mbegu; mbegu katika ardhi nzuri itatoa ya jinsi yake.

¹²⁸ Angalia Ufunuo 10:1 hadi 7, siri zote hazina budi zifunuliwe Bibi-Arusi, na mjambe wa Kanisa la Laodikia. Kuna mtu aliye na ile Biblia ya Tafsiri ya Pili? Kama unayo, utaona kwamba mahali pale iliposema, “malaika,” limetengwa katika paradesi na linasema, “yule tai.” Mnaona? A-haa. A-haa. Mnaona? Yule mjambe wa Ka-Kanisa la Laodikia, mnaona, Ufunuo 10:1 hadi 7.

¹²⁹ Naye alisema ya kwamba hii...katika siku ile alipomwona Yeye akishuka, naye akakila kile kitabu kidogo. Na kulikuwa na...“Akauweka mguu mmoja juu ya nchi, na mmoja juu ya bahari, kisha akaapa kwa Yeye aliye hai, milele na milele, ya kwamba, ‘Hakutakuwa na wakati baada ya haya.’” Na wakati alipofanya jambo hilo, Ngurumo Saba zilitoa sauti zao. Na wakati zile Ngurumo Saba zilipotoa sauti zao, Yohana alisema ya kwamba alikuwa karibu kuandika. Naye akasema, “Usiyaandike.” A-haa. Mnaona? Naye akayatia muhuri.

¹³⁰ Naam, mtu mmoja alisema, “Vema, hizo Mihuri Saba, basi, Ndugu Branham, hizo zitafunuliwa katika siku za mwisho, siri kubwa fulani jinsi ya vile tunavyomkaribia Mungu?” La, bwana, haiwezekani.

¹³¹ “Mtu ye yote atakayeondoa Neno moja kwenye Biblia hii, ama aongeze neno moja Kwake, sehemu yake itaondolewa, Kitabu cha Uzima.” Hizo ni ufunuo juu ya yale yaliyoachwa kule nyuma, kuyaleta. Tayari yameandikwa *Hapa*. Yamo Humu ndani. Ni kufunua yale tayari yameandikwa. Mnaona? Maana, huwezi kuongeza neno Kwake, ama kutoa Neno moja Kwake.

¹³² Sura ya kwanza ya Ufu...ya—ya—Biblia, hapo mwanzo, Mwanamke mmoja hakukosa kuliamini, bali alilielezea tu vibaya, akamwacha Shetani amfasirie vibaya, neno moja, “hakika.” Mnaona? Halafu, kutoka kwake, matatizo haya yote yakasababishwa. Na huyo alikuwa ni Mungu akinena, Neno la Mungu.

¹³³ Na katika sura ya mwisho ya Ufunuo, Yesu Mwenyewe, Mungu yule yule, alisema, “Ye yote atakayeondoa Neno moja, ama kuongeza neno moja Kwake.”

¹³⁴ *Huu* ndio ufunuo kamili wa Yesu Kristo. [Ndugu Branham anapigapiga Biblia Yake—Mh.] Na zile Muhuri Saba zilificha zile siri, kwamba yote ilikuwa nini; na zinapaswa kufunguliwa katika siku ya mwisho, kwenye wakati wa Laodikia, mwisho wa wakati. Mungu ashukuriwe! Jambo hilo linamalizia Ujumbe wa Kanisa. Hilo linaumalizia. Wanapoangalia nyuma na kuona jinsi mambo yamekuwa, na kuona mahali yote yamefikia, hilo linaumalizia, wakati wa Kanisa.

¹³⁵ Sasa angalia baragumu tunazozungumzia, ni kuitwa pamoja aidha kwa ajili ya sikukuu, kwa ajili ya vita, kwa ajili ya mtu fulani, siku fulani takatifu, ama kitu kama hicho. Angalia. Unasema, “Kwa ajili ya mtu fulani?” Naam. Ama, kwa ajili ya mwaka wa yubile, kutangazwa kwa kutolewa kwa uhuru, wakati ambao wangeweza kurudi; sasa, tungeweza kuchukua asubuhi nzima juu ya jambo hilo moja tu. Lakini, sasa, tunaingia kwenye zile baragumu. Mna msingi wake sasa, wa zile Muhuri na Kanisa, sasa tutaingia kwenye zile baragumu. Baragumu ililia, na baragumu huwakilisha aidha vita, ama sikukuu. Ama, maana yake, ni, “kukusanyika pamoja kwa watu,” ile *baragumu*.

¹³⁶ Paulo alisema, “Baragumu ikitoa sauti isiyojulikana, ni nani atakayejifanya tayari kwa vita, ama kwa amani, ama cho chote kile?” Ni nani ajuaye? Unapaswa kujua maana ya mlion wa *baragumu*.

¹³⁷ Kwa hiyo, baragumu inapolia, tunaona kitu fulani duniani leo. Kuna taabu kubwa mahali fulani. Kila mtu anajua jambo hilo. Kila mtu anashikwa na fadhaa. Ulimwengu mzima ni ulimwengu wa fadhaa, na tunajua kuna kasoro fulani. Ikulu, kila mahali, tunajua kuna kasoro fulani.

¹³⁸ Naam, njia pekee utakayo julia mlion wa baragumu, ni kuangalia yale ile Karatasi ya Muziki inayosema. Mnaona? Hakuna lingine. Ni taarabu kuu, mnaona, na mapigo yake.

¹³⁹ Kama vile, *Petro na Mbwa Mwitu*, mnaona, wakati unapo... kama yule... yule Mtunzi amekiandika kitabu, naye—naye kiongozi wa nyimbo hana budi kuwa katika roho yule yule wa mtunzi. Kama hayuko hivyo, ye ye anatoa mapigo mabaya, halafu jambo lote linavurugika.

¹⁴⁰ Hiyo ndiyo shida leo. Tuna viongozi wengi sana katika... wasio katika Roho ya Mtunzi. Wao wanasema, “Madhehebu, vema, tunaamini *hivi*.”

¹⁴¹ Hata useme nini, Biblia ni kweli. Ipige hapa kulingana na Karatasi ya Muziki papa hapa mbele yake, kisha ile taarabu kuu ya tendo la Mungu linaucheza sawasawa kabisa, ndipo tunaweza kuona ile saa na mahali tunaposimama.

¹⁴² Sasa angalia, ile baragumu ni ya kuwaita watu wakusanyike pamoja, wajikusanye pamoja kwa ajili ya jambo fulani. Wakati mwingine ilimtangaza mtu mashuhuri.

¹⁴³ Kama vile katika Yusufu, wao waliipiga baragumu, naye Yusufu alikuwa anatokea; ambalo ni m—mfano wa “ile Tarumbeta Kubwa” tunayonena habari zake, na tutaifikia baada ya kitambo kidogo, katika Isaya. Ambayo inasema, “Wakati ile Tarumbeta Kubwa itakapopigwa, wakati ile bendera itakapoinuliwa, kule juu; na utakuja wakati wakati ile Tarumbeta Kubwa itakapopigwa, nayo mataifa yote yatakusanyika Yerusalem.” Hapo ndipo ule Utawala wa Miaka Elfu utakapoanza; ile Tarumbeta Kubwa.

¹⁴⁴ Sasa, kuita huku, kwa sikukuu ya baragumu, kujongea kwa kitu fulani. Angalia Ufunuo 8:7, kama unataka kuandika. Tunaona Baragumu ya Kwanza, kukawa mvua ya mawe, damu, moto, juu ya nchi; inalingana hasa na Kutoka, wakati Mungu alipokuwa anawaita watu Wake watoke, ya kule kutoka.

¹⁴⁵ Sasa, sababu ya hizi Baragumu Saba kutokuwa na uhusiano na Kanisa hili na wakati huu, ni kwa kuwa hizo ni kwa ajili ya Israeli peke yao. Ni kule kuitwa, kule kukusanyika kwa watu. Na sasa kuna jambo moja tu muhimu humu ndani ninalotaka ninyi mlifikie, katika dakika chache, ni mahali ambapo mtaona kwa nini jambo hili halihusu wakati huu tunaoishi; zile Baragumu Saba.

¹⁴⁶ Najua watu wengi hawakubaliani na jambo hilo, bali najua ndilo hili. Najua jambo hilo. Si kwa sababu ninasema mnalisema; kwa sababu, sikulitoa kwangu mimi. Ma—mawazo yangu si yangu mwenyewe. Cho chote kile kilichoniambia jambo hilo, kama kimekosea, basi kimekosea. Bali sisemi jambo hili kwa nafsi yangu, ninasema yale Mtu mwingine amesema. Mtu huyo mwingine ni Mungu aliyenena nasi na kufanya mambo haya yote ambayo amefanya, na akajitokeza, mnaona, kwa hiyo mimi najua ya kwamba ni kweli.

¹⁴⁷ Kule—kule kukusanyika kwa Israeli ni Baragumu. Zile Baragumu ni za kuwakusanya Israeli. Angalia, ile Baragumu ya Kwanza kabisa ilipopigwa; damu, moto, mvua ya mawe, na kila kitu, vinatapanyika ardhini. Mnaoana? Alikuwa akifanya nini? Akiwaleta Isreli kutoka Misri ya kiroho, mnaona, kurudi katika nchi ya uenyeji wake.

¹⁴⁸ Sasa hebu niseme jambo hili papa hapa, ya kwamba, kila Baragumu iliyopigwa, ilipigwa chini ya Muhuri ya Sita. Tutafikia jambo hilo katika dakika chache, mahali tulipozipata zile Muhuri pale. Baragumu zote zilipigwa chini ya Muhuri ya Sita.

¹⁴⁹ Kwa sababu, Muhuri ya Saba, kulikuwa na kimya. “Hakuna aliyejua; hiyo ilikuwa ile dakika ama saa ambayo Kristo angekuja,” kama alivyoifunua kwetu.

¹⁵⁰ Bali kila Baragumu ilipigwa chini ya Muhuri ya Sita, chini ya yale mateso ya Wayahudi. Angalia, Ufunuo sasa, ya 8, na uanzie aya ya 7. Zote zilikuwa ni kule kuitwa kwa Israeli, wa asili, kule Misri; sasa ni kuitwa kwa Israeli, kwa maana ya kiroho. Yeye alikuwa akiwatayarisha kuja kwenye sikukuu ya Upatanisho.

¹⁵¹ Angalia, sikukuu ya baragumu ndiyo iliyotangulia, ambayo ilikuwa pentekoste. Sikukuu ya upatanisho ikaifuata hiyo, siku hamsini baadaye. Sikukuu ya upatanisho, isome hapa. Sisi, labda, kama tuna wakati, tutairejea na kuwasomeeni kutoka kwenye Biblia, hapa katika Mambo ya Walawi 12, sasa, ama Mambo ya Walawi 23, hassa, na Mambo ya Walawi 16. Tunaona ya kwamba ya kwanza ilikuwa ni sikukuu ya—ya baragumu.

Ilikuwa ule upatanisho na ile...baada yake ilifuata pentekoste, sasa tunaona ya kwamba...Sikukuu ya upatanisho ilifuata sikukuu ya baragumu.

¹⁵² Sasa angalia, Baragumu ilipigwa, na hiyo ilikuwa ya kuwakusanya wao pamoja. Sasa, ile Baragumu ya Kwanza ilipigwa, kukawa mvua ya mawe, damu, moto, vimenyunyiziwa juu ya nchi, sawasawa hasa na vile ilivyokuwa kule Misri, ikiandiadaa kuwaita kwenye ile Siku ya Upatanisho. Mnaona? Wao waliukataa ule Upatanisho wa kweli. Na miaka hii imerefushwa kupitia hapa, umekuwa mwaka wa pentekoste. Mnaona? Sasa ile baragumu ya Wayahudi inafuata.

¹⁵³ Huku kumekuwa kuitwa kwa Kanisa. Angalia kwa makini sana. Sasa, jambo ambalo, baadaye, Yeye aliwachukua akawapeleka kwenye nchi ya ahadi; ambapo atafanya jambo lile lile, ambalo, kwa njia ya mfano, Yeye analichukua Kanisa na kulipeleka kwenye nchi ya ahadi.

¹⁵⁴ Kumbuka, kila Baragumu ililia chini ya ile Muhuri ya Sita, ilipigwa wakati huo tu.

¹⁵⁵ Angalia sasa, sawsawa kabisa, mwendeleo wa Maandiko, sawsawa kabisa. Chini ya ile Baragumu ya Saba, hiyo kwa Israeli ni sawasawa na vile ile Muhuri ya Saba ilivyokuwa kwa Kanisa. Tunaona, chini ya ile Muhuri ya Saba, ya kwamba wakati hizi nafsi zilizokuwa chini ya madhabahu pale, zilizopokea nguo ndefu...Wao walipewa nguo ndefu, si eti walizistahili, ni kwa sababu walikuwa katika kipindi ambacho Mungu alikuwa bado akiwashughulikia Mataifa katika neema, si Wayahudi. Israeli inaokolewa kama taifa. Mungu huishughulikia Israeli kama taifa. Mataifa ni “watu kwa ajili ya Jina Lake,” si taifa kwa ajili ya Jina Lake. Israeli!

¹⁵⁶ Na wakati Hitler na hao wengine walipowatesa Wayahudi, na wakafanya mambo waliyofanya chini ya hiyo; angalia, wao, Stalin, Hitler, na hao watawala wa mabavu wote waliokuwa wameinuka. Kama tungalikuwa na wakati, ambao, kuyarudia kwa baadhi ya wageni, bali tumepitia jambo hilo. Chini ya wakati uo huo, ambapo kumekuwa kule Ujeruman na—na mataifa mengine yote, Wayahudi wametawanyika katika nchi zote. Bali kumetokea, katika miaka ishirini iliopita, mateso makali sana dhidi ya Wayahudi.

¹⁵⁷ Nimekuwa nje kule katika mahali pa kale ambapo waliichoma moto miili yao, na kuiunguza, na kuitumia... kutumia majivu yao kurutubisha ardhi, watoto wa Kiyahudi, na wanawake, na kila kitu. Halafu wao wanajaribu kukana jambo hilo; wanawachukua na kuwapeleka huko nje na kuwaonyesha mahali jambo hilo lilipotendewa.

¹⁵⁸ Yamekuwa mateso makali dhidi ya Israeli, kwa sababu umekuwa ni wakati wa kumwita sasa arudi kwenye ule Upatanisho. Yeye angali yuko chini ya ule upatanisho wa

mwana-kondoo wa kawaida. Yule Mwana-Kondoo halisi wa Mungu ndiye ule Upatanisho, naye ameukataa Huo, nayo ile Damu imekuwa juu yake tangu wakati ule. Angalia, akiwaweka hao watu tayari! Jinsi hiyo Baragumu ya Saba na Muhuri ya Saba ilivyo kamilifu, kamilifu pamoja, yale mateso ya Wayahudi.

¹⁵⁹ Angalia, katika Ufunuo sura ya 9 na aya ya 13, sasa angalia kwa makini sana, chini ya Baragumu ya Sita. Ufunuo 9:13, chini ya Baragumu ya Sita, angalia, kulikuweko na wapanda farasi laki mbili waliokuwa wamefungwa katika mto Frati, walifunguliwa chini ya Baragumu ya Sita. Sasa hakuna wapanda farasi laki mbili duniani; bali kulikuwa na wapanda farasi laki mbili. Angalia jambo hilo. Nawatakeni mliandike, ili mpate kulisoma.

¹⁶⁰ Hao hawakuwa farasi wa kawaida. Walipumua moto, nao walikuwa na dirii za yaspi, na—na walikuwa na mikia. Na kwenye ncha ya mkia ilionekana kama nyoka, kichwa cha nyoka nchani mwake, akiuma. Mnaona? Ilikuwa ni farasi wa kiroho, pepo wa kiroho, farasi wa vita, ambaao walikuwa wamefungwa kwenye Frati miaka hii yote, pepo wasio wa kawaida. Ilikuwa nini? Ile Milki ya kale ya Kirumi ikifufuliwa; yale mateso ya Wayahudi. Walikuwa wamefungwa kwa karibu miaka elfu mbili, kwenye mto Frati, hawawezi kuvuka waingie kwenye ile ahadi; madhehebu moja ya kidini ambayo yalikuwa yakijaribu kuvuka ng'ambo ya pili. Frati, mnajua, inapitia katika Edeni. Bali walikuwa wamefungwa pale, pepo laki mbili wa mateso.

¹⁶¹ Basi angalia yanayotukia chini ya Baragumu ya Sita. Hao walifunguliwa dhidi ya Wayahudi; yale mateso ya Wayahudi. Pepo wasio wa kawaida, karibu miaka elfu mbili, halafu wakafunguliwa na Stalin, Hitler, juu ya Wayahudi. Mnasema, "Vema, hiyo si Urumi." Ni roho yule yule. Walifanya jambo lile lile walilowafanya Wakristo, katika zile siku za Rumi ya kale ya kipagani. Sasa angalia Israeli ya kawaida, na Kanisa la kiroho sasa, tunapowatenganisha hapa. Wakafunguliwa dhidi ya Wayahudi.

¹⁶² Mnakumbuka, chini ya Muhuri ya Sita, jinsi kila mmoja wa wale wafia imani, kulingana—kulingana na Neno la Mungu, wanapokea nguo ndefu. Walipewa hizo kwa neema, kwa maana wao walipofushwa wasiweze kuiona Injili yao, kusudi watu hawa wapate kuitwa kutoka kwa Mataifa kwa ajili ya—ya Bibiarusi. Walipewa nguo ndefu, Biblia inasema hapa, chini ya hiyo Baragumu. Hao Wayahudi, ambaao kata kata wanampinga Kristo na kila kitu; sababu ya kufanya hivyo, ni kwa sababu Biblia ilisema walipofushwa. Nao walipofushwa kwa ajili yenu. Na Mungu mwenye haki anajua ya kwamba wangeipokea Hiyo, bali walifanywa vipofu kwa ajili yenu. Biblia ilisema hivyo.

¹⁶³ Kuna hiyo milki ya Kirumi, imefungwa kule na (nini?) nguvu za kidini. Ambapo, Rumi, Rumi ya kipagani ilifanyika Rumi ya kipapa, nayo ilifungwa kule katika mapokeo yake ya Kikristo. Ile sehemu ya Kikristo, na—na ushirikina iliyokuwa nao wa Rumi kuweka vitu hivi vyote; kuabudu wanawake, na upuzi huu mwingine wote, na siku za Krismasi, na sikukuu, na siku takatifu, na kadhalika. Vimefungwa na mapokeo hayo ambayo haiwezi kuachilia, kwa maana hayaafikiani na kanuni za Kikristo. [Ndugu Branham anagongagonga mara nyingi mimbarani—Mh.] Bado ni roho yule yule wa kikafiri na wa kipagani! Na roho hiyo iliingia katika mataifa ya ulimwengu, kulingana na unabii wa Ezeikieli na hao wengine.

¹⁶⁴ Nao walifunguliwa dhidi ya Wayahudi, ambao hawakujuwa neno juu ya Roho. Hiyo hapo siri yako iliyofichwa chini ya Muhuri ile pale. Mnaona? Angalia. Tulipitia hayo. Nami nitawaonyesha Baragumu hii hapa, Baragumu hii ya mwisho, kile kinachotukia. Hao hapo. Hizi Baragumu zinafunguliwa dhidi ya Wayahudi, (je! hamwoni jambo hilo?) si dhidi ya Mataifa. Mataifa, wakati Mihuri hizo zilipofunguliwa, wametiwa muhuri; wakati umekwisha; Kanisa limeitwa.

¹⁶⁵ Mnakumbuka lile ono juzijuzi? Mnakumbuka kule ku...kule kuonekana kwake hapo kabla? Ni wangapi wanaokumbuka, Jumapili iliyotangulia iliyopita? Jinsi lilikuwa pale sawasawa kabisa, likapita pale. Tulionia, kabisa, tukaona kitu hicho kichafu na chenye vinya a kikijitokeza, kinachoijiita kanisa, upotovu wa mwisho. Kisha maskini Bibi-Arusi huyo, wa kila taifa, kila mmoja wao amevalia kama taifa walimotoka, wakitembea tu mbele za Bwana kikamilifu.

¹⁶⁶ Unaona, kutakuwa na wakati, wakati mwingine, watakaposema, “Vema, nilifikiri Kanisa lilipaswa kwenda kabla ya yale mateso. Nilifikiri kulikuwa na Kunyakuliwa.”

“Tayari kumepita nawe hukujua.”

Hivyo ndivyo Yeye alivyosema juu ya Yohana wakati mmoja, mwajua.

¹⁶⁷ Kasema, “Vipi, mbona manabii wanasema ya kwamba... waandishi, ya kwamba imempasa Eliya kuja kwanza?”

¹⁶⁸ Yeye akasema, “Yeye amekwisha kuja.” Na hata wanafunzi hawakujuwa jambo hilo. “Walimtendea yote waliyotaka.”

¹⁶⁹ Kunyakuliwa kutakuwa vivyo hivyo. Katika—katika saa... Yeye aliahidi kufanya jambo hilo. Yeye hakuahidi kumwonyesha Eliya namna hiyo, bali aliahidi kumchukua Bibi-arusi namna hiyo. “Katika saa msiyofifikiria,” badilisho tu, katika muda wa kufumba na kufumba jicho, atatwaliwa. Ndipo wewe utaachwa, basi huo ndio ule wakati!

¹⁷⁰ Miaka elfu mbili, roho hii kupitia kwa watu wa Kirumi, kanisa la Kirumi, haikuweza kujongea. Bali roho iyo hiyo

ikijitokeza, kwanza, kule chini ikamwingia Mussolini huko Rumi, yule mtawala wa mabavu. Mnajua yale matano . . .

¹⁷¹ Mambo saba niliyoonyeshwa Naye, katika '33, yatatukia. Matano ya hayo yamepita tayari. Daktari Lee Vayle anaandika kitabu juu yake sasa. Mnaona? Mambo matano, kikamilifu, na kuna mambo mawili tu yatakayotukia. Kasema, "Yangetendeka kabla tu ya kule Kuja." Sisi hapa katika mwisho sasa, na inaonekana kana kwamba jambo hilo la sita linajongea moja kwa moja huku. Mnaona? Kikamilifu, hasa, hata vite vita na jinsi vingetukia, sawasawa kabisa kwenye alama, na hakuna hata wakati mmoja likosea.

¹⁷² Sikizeni, enyi jamaa, inatupasa kujichunguza kila saa. Hujui tunakosimama. Karibu kabisa!

¹⁷³ Naam, sasa alifungulia, juu ya, chini ya Muhuri ile ya Sita, pepo hawa wa kiroho laki mbili, walianzia kule Rumi, Ujeruman, Hitler. Halafu angalia huku katika Biblia, ambako walipokea, kamwe . . . Walipopokea mamlaka kama wafalme, bali hawakutiwa taji. Mtawala wa mabavu si mfalme aliyetiwa taji; anapokea tu mamlaka kama mfalme.

¹⁷⁴ Loo, Roho wa Mungu anatembea ndani yangu sasa, mwajua, akisema tu jambo fulani. Sijui jinsi ya kulisema, ama la kusema, na labda afadhali nisiliseme.

¹⁷⁵ Angalia, laki mbi- . . . pepo laki mbili waliofunguliwa dhidi ya Wayahudi hao, wakati walipowachoma moto, wakawasulubisha misalabani. Walitia povu kwenye mishipa yao ya damu. Wakawaua, hata hawakuwa na gesi zaidi ya kuwaulia. Kisha wakawapiga risasi, mpaka hawakuwa na risasi zaidi za kuwapigia. Nao—nao wakafanya kila walichoweza kufanya. Wakaiteketeza miili yao, na kila kitu; na kuwaangika kwenye kuta, watoto na kadhalika, watu wasio na hatia. Kwa sababu walikuwa Wayahudi, walitendewa hivyo. Bali Mungu alisema alimpa kila mmoja wao nguo ndefu, ingawa hawakuzistahili, bali neema Yake ya kuwapofusha kusudi tupate kuona.

¹⁷⁶ Ile Muhuri ya Saba haijafunguka bado, mwajua. Hiyo ni Kuja Kwake.

¹⁷⁷ Kwa hiyo wakati wangali chini kule, lakini, Yeye anatuonyesha hapa, hapo kabla. Kama vite Yohana, Yeye alimpandisha juu.

¹⁷⁸ Na wakati mmoja, alipokuwa anatembea juu ya bahari, mwajua; yeye alisema, "Vipi huyu mtu anayeegemea kifuani Mwako?"

¹⁷⁹ Yeye akasema, "Imekupasaje wewe kama akikaa hata njapo?" Mnaona, yeye hakukaa, bali alimpandisha juu na kumwonyesha hayo, jambo ambalo lingetukia hata ajapo Yeye. Alimwonyesha tu, akamwonyesha Yohana ratiba yote hapo kabla.

¹⁸⁰ Angalia, tunaona sasa ya kwamba mamlaka yale chini ya ninino la asili, kwa taifa la asili, Israeli, yalifunguliwa pale. Nayo yalifanya kitu gani? Yaliondoka yakaenda yakafanya vita, na jinsi liliyoua na kutesa.

Sasa katika milki yake ya kidini!

¹⁸¹ Mimi... hivi ninyi... Natumaini ya kwamba Mungu atayafungua macho yenu kwa jambo hili sasa. Maana, natambua ya kwamba huku si kuzungumzia tu kanisa hili hapa. Kanda hii husambazwa katika ulimwengu mzima. Nami simaanishi kumuudhi mtu ye yote, bali ni kusema Kweli tu.

¹⁸² Sasa milki ya kidini imefunguliwa, kutoka kwa ufuluo wa kawaida wa Rumi ya kipagani, ikawaenda hao Wayahudi, ambao daima imekuwa adui wao. Yule simba, mwenye meno na kila kitu, aliwapondaponda na kuwavunjavunja hao watu. Rumi, sikuzote umekuwa adui wa Mungu! Nao ulifunguliwa katika roho yule yule, na watawala wa mabavu wa ulimwengu, kwa maana huo utaratibu wa kidini ulikuwa ungali unashikilia. Sasa umefunguliwa.

¹⁸³ Na imefanya nini? Katika "ujanja," kama Yeye alivyo sema, itakuja kama kujipendekeza. Naye amefanya nini? Yeye analeta Baraza la Ekumeni la Kiprotestanti la Makanisa ya Ulimwengu, roho wa mpinga Kristo juu ya wote wawili, akiwaleta machinjoni, kama walivyowafanya wale wengine, katika saa ya kumwita Bibi-arusi. Vipi? Walifunguliwa katika roho ya kidini ya kanisa. Wakafunguliwa juu ya nini? Si juu ya madhehebu; juu ya Bibi-arusi! Bali hapa mta-...mngelipata, Bibi-arusi hatapitia katika wakati huo. Biblia inasema hatapitia. Kanisa litapitia, bali si Bibi-arusi. Hamwezi kuona? Enyi wahudumu, hamwezi kuona jambo hilo, enyi ndugu?

¹⁸⁴ Unasema, "Kanisa halina budi kuitia katika mateso, kwa—kwa ajili ya kulikamilisha Hilo." Damu ya Yesu humkamilisha Bibi-arusi.

¹⁸⁵ Mtu anayemchagua mke hampitishi katika mateso mengi; ye ye tayari amepata neema, pia, pamoja naye; amepata neema kwake. Yeye—ye ye humchumbia. Na, kama kuna jambo lo late, ye ye atamwepusha na kila mahali anapoweza kudhuriwa. Neema Yake ni kuu mno juu yao.

¹⁸⁶ Na hivyo ndivyo itakavyokuwa kwa Bibi-arusi, na ndivyo ilivyo na Bibi-arusi. Sisi viumbi wasiostahili, tunaostahili jehanum, bali neema Yake inatushikilia kuitia hiyo. Angalia ni wangapi waliopotea na ni vipofu! Ni wangapi, ni wenyе dhambi wangapi waliokweko ulimwenguni, ile saa niliyookolewa! Mungu aliniokoa kwa kusudi fulani; nami nimeazimia, kwa mapenzi Yake, kutekeleza kusudi hilo. Sijali ni jambo lingine gani litakalotukia; nataka kulitekeleza.

¹⁸⁷ Na katika saa ninapoona makanisa yote, madaha yao makuu, "na tajiri, na hatuna haja ya kitu," wanasemia; na kuwaona,

wenye mashaka, wanyonge, vifofu; halafu wanakupigapiga mabegani, wanakutaka upatane nao. Nilizaliwa kwa kusudi fulani, hilo ni kukilaani kitu hicho na kuwaita watoke. Nalitenda jambo hili.

¹⁸⁸ Kumbukeni, wakati Yesu alipokuja duniani, hakukuweko na mtu mmoja kwa mia duniani aliyejua ya kwamba Yeye alikuwa hapa. Yeye alikuja kulichukua hilo kundi lililoteuliwa. Kasema, “Hakuna mtu awezaye kuja Kwangu asipovutwa na Baba Yangu. Na yote aliyonipa,” wakati uliopita, “Baba, watakuja. Watalijua. Watalisikia Hilo.”

¹⁸⁹ Angalia kufunguliwa kwa roho hii ya kidini. Sasa miaka ishirini baadaye, baada ya vita hivyo, tunaona kufunguliwa kwa roho hiyo ya kidini. Chini ya nini? Ile Muhuri ya Saba; Baragumu ya Saba kwa Wayahudi.

¹⁹⁰ Angalieni mwezi ukiwa giza. Chini ya nini? Angalieni ukichorwa, Mwana wa Adamu akifukuzwa kanisani.

¹⁹¹ Ni nini? Kuungana na kundi la kidini. Mwe—mwenendo wa kidini, na pamoja na Baraza la Makanisa Ulimwenguni, limemwingiza kila mtu... Kitu hicho kinawakilisha nini? Naam, huna budi kuacha mafundisho yako yote ya kiinjilisti na kadhalika. “Watu wawili waweza kutembea pamoja wasipokuwa wamepatana?” Hawezi. Yesu alisema hawawezi. Na kanisa linawezaje, Wamethodisti na Wabatisti watembee pamoja? Kanisa la Kristo linawezaje kutembea na Wapresbiteri? Mkatoliki anawezaje kutembea na Mprotestanti? Mprotestanti anawezaje kutembea na Mprotestanti?

¹⁹² Bali Bibi-arusi anawenza kutembea pamoja na Neno, ambalo ni Kristo. Ni lazima iwe katika maafikiano. Si utaratibu wa kidini; bali Neno. Huna budi kuafikiana na Neno, kutembea pamoja na Neno. Yesu alisema hivyo. Hilo linalifanya sawa.

¹⁹³ Angalia, huyo hapo sasa. Yeye amefunguliwa, kuita ncha hizi zote zilizolegea, “Loo, vema, haileti tofauti yo yote, hata hivyo.”

¹⁹⁴ Hivyo ndivyo Shetani alivyomwambia Hawa, “Haileti tofauti yo yote. Ni sawa. Hakika, Mungu ni Mungu mzuri. Yeye anatupenda sisi sote.” Hatupendi.

¹⁹⁵ Unasikia mengi sana kuhusu Huyo kuwa Mungu mwema. Yeye ni Mungu mwema, lakini, akiwa mwema, hana budi kuwa mwenye haki. Hakuna wema bila haki. Hakuna haki bila sheria, bila adhabu, hukumu. Kwa hiyo sisi tuko katika saa hiyo, tunayoishi.

¹⁹⁶ Angalia, upesi sasa, hawa pepo wasio wa kawaida. Basi, chini ya—chini ya himaya ya Umoja wa Mataifa, makundi yaliyoungana pamoja, Mashariki na Magharibi.

¹⁹⁷ Sawasawa tu na mguu wa kulia na mguu wa kushoto wa ile sanamu aliyoona Danieli, jinsi wasingekubaliana na kuchanganyikana pamoja. Na neno Eisenhower, katika wakati

huo... *Eisenhower* maana yake ni “chuma.” *Khrushchev* maana yake ni “udongo.” Naye alitoa kiatu chake na kukipigisha [Ndugu Branham anapigapiga kwenye mimbara—Mh.] dawati kwenye... wakati Baraza la Mataifa, ama U... kwenye UM. Khrushchev alifanya jambo hilo, akikung’uta vumbi lile... Loo, jamani! Saa tunayoishi! Kanisa na hali yake!

¹⁹⁸ Bali, Mungu ashukuriwe, maskini Bibi-arusi amejifanya tayari. Haitachukua muda mrefu. Shikilieni tu. Haitachukua muda mrefu. Sijui ni muda gani, sijui ni lini; hakuna anayejua jambo hilo. Lakini sisi tunajua kuko karibu sasa, kabisa.

¹⁹⁹ Tazama dini. Angalia hiyo, ya kawaida, kile ilichowafanyia hao Wayahudi. Hao walikuwa watu walioshikilia sheria za Mungu. Si hoja ni makanisa mangapi yanayoinuka, cho chote kile, walipofushwa wasintambue Kristo, nao wakashikilia hiyo torati. Naye Mungu akawapa nguo ndefu, kila mmoja wao, maana wao walikufa kama wafia imani. Mnaona? Wao ni—wao ni... Wao walipofushwa kwa ajili yetu.

²⁰⁰ Hapa sasa, Kanisa, ambalo halijui kitu ila Biblia. Bila kujali utaratibu wa kidini, madhehebu, hawajui kitu kuhusu hayo. Yote ni mageni kwao. Wao wanamjua Yeye, Yeye pekee.

²⁰¹ Watu siku hizi wako kwa namna fulani kama Petro na hao wengine walivyokuwa, kule juu kwenye Mlima wa Kugeuzwa. Waliingiwa na shauku wakati walipoona ya kimbunguni yakinendeka, na mmoja akasema, “Tutaunda kanisa moja la—la manabii, na moja la Musa.”

²⁰² Na hivyo ndivyo hao watu, Wapentekoste walivyofanya. Wao walisema, “Tutaunda moja, Assembly of God; na lingine, church of God; na lingine, Umoja; na lingine, Uwili,” na kadhalika namna hiyo.

²⁰³ Bali alipokuwa katika kusema, Yehova alipaza sauti, “Huyu ni Mwanangu mpPENDWA,” Ambaye ni Neno, “msikieni Yeye!” Mnaona? Yeye ni Neno.

²⁰⁴ Saa tunayoishi, mambo ya kidini, mambo ya roho zikiungana pamoja sasa na kuwaleta kwenye maangamizi haya makuu, kufutilia mbali. Tayari imeandikwa hapa, katika taifa hili sasa, ya kwamba makanisa haya hayana budi kufungwa isipokuwa wewe uko pamoja na madhehebu. Ni muungano, ni kutengwa kabisa, sawasawa na ile alama ya mnyama.

²⁰⁵ Na sasa unaona yule mnyama ni nini, sivyo? Ni mamlaka. Na mamlaka, mamlaka ya kidini, Yesu alisema, “Yangefanana sana na kitu kilicho halisi, hata yangewapoteza walio Wateule kama yamkini.” Bali Yeye aliahidi kuwa na kitu fulani hapa kwa ajili yetu katika siku hiyo, ili kwamba tusidanganyike, na hicho ni Neno, na Kristo kulidhahirisha kwetu. Hao ni wasio wa kawaida, pepo, hawaonekani kwa macho, bali unawenza kuona wanayofanya. Mnaona?

²⁰⁶ Angalia, wakati hilo kundi linapanda farasi, likijitayarisha lenyewe kukanyaga kila kitu ambacho hakitakubaliana nalo, kuna kundi jingine linalofanywa tayari, baada ya kitambo kidogo, Ufunuo 19. Mara ya pili Kanisa linaposikiwa, linakuja, pia, si katika farasi hasa, bali Biblia ilisema, “Yeye alikuwa amepanda farasi mweupe, na majeshi ya Mbinguni yalikuwa yakimfuata juu ya farasi weupe.” Sivyo?

²⁰⁷ Wakati kundi hili hapa lina elfu mbili waliofungwa kwenye mto Frati, nao walikuwa wamefungwa kwa miaka elfu mbili, pia kanisa hilo limemfunga Roho Mtakatifu kwa karibu miaka elfu mbili, chini ya ufa dini kule nyuma, na chini ya nyakati za kanisa. Amefungwa, si kwenye mto Frati, bali kwenye milango ya kanuni za imani na mafundisho ya sharti, hata Roho Mtakatifu hawezi kufanya kazi kanisani kwa sababu ya taratibu zilizobuniwa na mwanadamu. Bali atawekwa huru, Bibi-arusi anarudi, hivyo ndivyo Biblia ilivyosema. Na hao wawili wanakutana kwenye uwanja wa vita, Lusifa na Mikaeli tena, kama hapo mwanzo. Wamefungwa kwa miaka elfu mbili, karibu hiyo, karibu miaka elfu mbili.

²⁰⁸ Si miaka elfu mbili hasa, maana Warumi waliendelea kusonga mbele, Titus katika A.D. 96, na kuendelea tu namna hiyo, kuwaua Wayahudi. Warumi! Ni nani aliyewaua Wayahudi? Titus alikuwa nani? Jemedari wa Kirumi. Damu ilitiririka kutoka malangoni na kutelemka kule, hata kwenye...loo, wakawaua, wanawake, watoto, na kila kitu. Je! Ezekieli 9 haikusema wangefanya hivyo? “Pita katikakati ya mji ukatie alama juu ya watu wanaougua na kulia,” Ro—Roho Mtakatifu. Na hao wengine “yule mtu mwenye kuua akatokea,” ambaye alikuwa amefungwa; akawashikilia, akawashikilia, hata wakaondoka wakaenda na kuua kila kitu kilichokuwa mle ndani. Wasichana, wanawake, watoto, watoto wachanga, na cho chote kile, wote walivawa. Hakika.

²⁰⁹ Hili hapa tena, likijirudia lenyewe. Na huu hapa huo utaratibu wa kidini ukirudi moja kwa moja, ukinyonga kabisa, ukikanyaga-kanyaga kila kitu kinachoitwa Mungu. Loo, wao wana utaratibu wao, na mashirika, na madhehebu, bali hayo hayana uhusiano wo wote na Biblia. Watakwambia upesi hata hawaiamini. Naam, bwana. “Sema yale kanisa lisemayo.”

²¹⁰ Ni yale Mungu asemayo! Hilo ni Neno. Bibi-arusi yuko pamoa na Maneno; wao ni Mmoja. Wanawezaje kuwa Mmoja? Wakati Neno hilo, lililoandikwa Mle ndani, linakuwa ndani yako, na kukufanya—kukufanya wewe na Neno kitu Kimoja. Hilo ndilo Yeye aliloahidi hasa.

²¹¹ Halafu, Hilo linafasiri. Mungu hahitaji mfasiri. Wao wanasema, “Vema, sisi hulifasiri namna *hii*.” Huna haki ya kufasiri cho chote. Mungu hujifasiria Mwenyewe. Mungu alisema, “Na iwe nuru,” ikawa nuru. Ni nani anayefasiri hilo?

Yeye alisema, "Bikira atachukua mimba," naye akachukua. Hilo halihitaji mfasiri ye yote; tayari limefasiriwa. Mungu alisema mambo haya yangetendeka katika siku hii, na yanatendeka. Halihitaji kufasiriwa. Linajifasiri Lenyewe. Loo, jamani!

²¹² Ufunuo 9:1, chini ya Baragumu ya Tano, mfalme wao... Angalia, Ufunuo 9:1 sasa, mfalme wa kundi hili kuu la farasi laki mbili. Walikuwa na mfalme juu yao, na, kama tukiangalia, alikuwa nyota iliyoanguka. "Mbona umeanguka kutoka mbinguni, Ewe Lusifa?" Loo, jinsi Daktari Smith alivyochanganyikiwa na hayo huko juu, lakini, ni sawa, mnaona, hayakuwa kwa ajili ya wakati wake. Mnaona? Vema. "Alikuwa wa kuzimu; mfalme wao alikuwa mfalme wa kuzimu."

²¹³ Ufunuo 17:8. Niliandika kitu fulani hapa chini. Nitakisoma tu. Mnaona hapa, Ufunuo 17:8. Nataka kuona yale inayosema hapa, maana sijui namna ya kuligusia jambo hili linalofuata, 17:8.

Na yule mnyama uliyemwona alikuwako, naye hayuko, naye yu tayari kupanda kutoka kuzimu na atakwenda kwenye uharibifu. Na hao wakaa juu ya nchi, wasioandikwa majina yao juu ya kitabu cha—cha ule uzima tangu kuwekwa misingi ya ulimwengu, watastaajabu walipomwona yule mnyama, ambaye alikuwako, ambaye hayuko, ambaye atakuwako.

²¹⁴ Mnaona, "alikuwako," papa moja anakufa, mwingine anatawazwa. "Mnyama aliyejekuwako, naye hayuko, ambaye yuko; naye hayuko, ambaye yuko." Habadilishi utaratibu wake; ni papa, wakati ule ule, kila kitu. Kila kitu hakina budi kuingia katika utaratibu ule ule.

²¹⁵ Na itakuja wapi? "Hata kuzimu." Na Biblia ilisema hapa, ya kwamba, "Kiongozi wa jamaa hawa alitoka kuzimu, na huyo alikuwa ndiye mfalme wao," naye anaketi na taji lenye sehemu tatu, na anawaunganisha Waprotestanti pamoja naye.

²¹⁶ Nilimsikia kasisi wa Kiluteri akisema, juzijuzi, kasema... ama, muhubiri wa Kiluteri, kasema, "Vema, watu huniuliza kwa nini mimi hucaa u—ukosi. Wanawezaje kunitofautisha na..." Ulikuweko kule? [Ndugu fulani anasema, "Naam."—Mh.] Naam. Na, huo, huo si ulikuwa ni upuzi? Ka—karibu nijisikie kama kutapika, nikaondoka pale jukwaani. Wao wakasema, "Kwa kuwa, hakupaswi kuwa na tofauti yo yote."

²¹⁷ Kama Luther, Martini Luther, angalisikia jambo hilo, angegeuka upande mwingine kaburini mwake, aseme, "Enyi wanafiki, nyinyi hamhusiki katika hadhi yangu." A-haa. Mnaona?

Lakini mnajua mahali ilipofikia? "Hakuna tofauti."

²¹⁸ Kuna tofauti. Hata kuna kutofautiana kwa kibinagsi. Mungu alisema, "Nitengeeni Mimi, na Paulo na Barnaba," hiyo ni kweli,

“kwa ajili ya kazi.” Tenganisha! Mungu ni mtenganishaji, si mchanganyishi. Mtengani... Kanisa linataka mchanganyishaji bora, leo, ambaye anaweza kuwaruhusu kuvalia nguo za kuogelea, na kaptura, na cho chote kile, na kutoka nje na kufanya yasiyofaa namna hii. Lakini Mungu alisema, “Nitengeeni Mimi!” Jitenge mwenyewe na ulimwengu!

²¹⁹ Ufunuo, tunaona hapa, ya kwamba, “mfalme wao alitoka kuzimu,” na yeye yule ambaye “alienda kuzimuni,” kuingia na kutoka, kuingia na kutoka, akatoka.

²²⁰ Angalia katika Mambo ya Nyakati, sura ya 23, jinsi fasiri inaambatana na Neno kikamilifu, pamoja na yale tutakayotoa sasa. Angalia jambo hili sasa, ule utaratibu. Sasa tunaona. Hebu tufungue na tusome tu hayo kwa muda kidogo. Katika Mhu-... si Mhubiri, bali Mambo ya Walawi. Mambo ya Walawi 23, sasa angalia hili hapa, Mambo ya Walawi sura ya 23 sasa. Nasi tunataka tusikose hili hata kidogo, sasa, ili kwamba tulipate jinsi hasa Bwana ameliandika hapa kwa ajili yetu. Bila shaka siwezi kuyapata Mambo ya Walawi katika Kutoka, sivyo? Sawa, Mambo ya Walawi sasa. “Kisha Bwana...” ya 23

... *BWANA akanena na Musa, na kumwambia,*

*Nena na wana wa Israeli, uwaaambie, Mwezi wa saba,
siku ya kwanza ya mwezi, kutakuwa na kustarehe
kabisa kwenu, ni ukumbusho wa kuzipiga baragumu, na
kusanyiko takatifu. Mnaona?*

*Mtafanya... ile kazi ya utumishi; nanyi
hamtasongeza... sadaka kwa BWANA kwa njia ya
moto.*

... *na ninyi mtasongeza sadaka kwa BWANA kwa njia
ya moto.*

²²¹ Sasa tazama. Sasa angalia.

*Kisha BWANA akanena... Musa, na kumwambia,
Lakini siku ya kumi ya mwezi huo wa saba ni siku ya
upatanisho;...*

²²² Mnaona, ule upatanisho ulifuata ile... Angalia sasa. Upatanisho uliufluata mlion wa baragumu. Mnaona? Jinsi ilivyo zuri! Mnaona? Siku ya upatanisho iliifluata baragumu.

²²³ Sasa—sasa, zile siku hamsini za baragumu, kwetu sisi, zinawakilisha kwa mfano wakati baragumu ilipopigwa kwenye pentekoste, ambayo ilikuwa siku hamsini. Sasa—sasa—sasa, baada ya jambo hili, Wayahudi walikataa jambo Hilo.

²²⁴ Sasa Baragumu ni kuwaita warudi kwenye Upatanisho ule, mnaona, ule Upatanisho walioukataa. Nao waliukataa kusudi macho yetu yapate kufunguliwa; yao yalifungwa. Na mnamo wakati huu, Muhuri hizi zilifunguliwa, na—na—na zile Baragumu zikapigwa. Na sasa, katika kule kupigwa kwa

Baragumu, kabla tu ya Masihi kuja, kwa maana hawana budi kuwa kule Palestina. Na mnakumbuka Mungu aliufanya mgumu moyo wa Farao, apate kuwafukuza kutoka Misri; naye akawafanya wagumu akina Stalin, Mussolini, na wote hao, apate kuwarudisha kwenye nchi ya ahadi, mahali ambapo wale mia na arobaini na nne elfu wanapaswa kuwa.

²²⁵ Na sasa, kwa mara ya kwanza katika maelfu ya miaka, miaka elfu mbili na mia tano, kwamba Israeli ni taifa lenye bendera yake, jeshi lake, na kadhalika, na inahesabwa katika—katika UM. Ndiyo mara ya kwanza jambo hili limetukia. Bendera ya kale sana iliyopata kupepea duniani, wakati huu, inapepea tena, zile ninino tano... nyota yenyencha tano ya Daudi. Yeye alisema angeinua bendera hiyo katika siku za mwisho, watakaporudi. Tuko mwishoni. Hakuna tu shaka juu yake. Tumewasili.

²²⁶ Angalia sasa, upesi, Ufunuo 9, chini ya zile baragumu saba, “mfalme wao ametoka kuzimu.”

²²⁷ Halafu katika Mambo ya Walawi, sasa, jinsi fasiri ilivyo kamilifu hapa pamoja na Neno! Kwa sababu, mnaona, mara baadaye, yubile ya pentekoste ilifuata ile siku ya upatanisho; ule utaratibu wa wakati wa sikukuu. Kati ya sikukuu ya pentekoste, hadi upatanisho, kupigwa kwa baragumu kwa ajili ya upatanisho, kulikuwa na sikukuu ya pentekoste, kile kipindi kirefu cha wakati. Angalia, kulikuweko na kipindi kirefu cha wakati kati ya sikukuu ya pentekoste, na kule kuitwa kwa—kwa bara... kule kupigwa kwa baragumu, zi—zile baragumu kupigwa; kipindi kirefu cha wakati. Kwa kweli, ilikuwa siku hamsini, kutoka kwenye—kutoka kwenye—kutoka kwenye sikukuu ya pentekoste hadi sikukuu ya upatanisho, ilikuwa ni siku hamsini. Naam, siku hamsini ni sabato saba hasa.

²²⁸ Na sabato saba ni miaka saba ya kanisa, Nyakati za Kanisa. Mnafahamu? Mnaona? Mnaona? Naam, Wayahudi wamepofushwa, wakingojea wakati huu wote, wakati yale Malimbuko ya pentekoste yamemwagwa juu ya Kanisa. Nasi tumeshuka tukapitia kwenye nyakati za wafia imani, kisha tukashuka kupitia kwenye nyakati za watengenezaji, na sasa tuko kwenye wakati wa kuita watoke; sehemu tatu, Roho yule yule; kama vile Baba, Mwana, na Roho Mtakatifu, Mtu yule yule. Mnaona? Lakini, Nyakati Saba za Kanisa, zikiwa sabato saba.

²²⁹ Sabato saba hasa kutoka—kutoka kwenye baragumu ya yubile ya pentekoste... sikukuu ya yubile ya pentekoste, hata... Kule kutikiswa kwa miganda, halafu ile yubile ya pentekoste. Halafu kutoka kwenye ile yubile hadi kwenye ule upatanisho ni sabato saba, siku hamsini, na katika mwisho wa zile siku hamsini ni ninino—ule upatanisho unafanywa. Mnafahamu? Naam, na huu umekuwa mfano, ya kwamba Kanisa...

²³⁰ Wakati Yeye alipofunuliwa, Yeye Mwenyewe, kama Mwana wa Mungu, amefunuliwa Kanisani katika ubatizo wa Roho Mtakatifu, kote katika zile nyakati, katika ule—ule wakati wa kipentekoste, mnaona. Inaendelea kuwa zaidi na zaidi; kuhesabiwa haki chini ya Luther, kutakaswa chini ya Wesley, ubatizo wa Roho Mtakatifu.

²³¹ Sasa huu hapa wakati wa kuitwa watoke. Kwenye ile Muhuri ya Sita, wakati ilipo—wakati ilipofunguliwa, mateso yaliwapata Wayahudi, katika hali halisi; na hapa yanatokea mateso kwa kanisa, katika hali ya kidini; kwa maana, Bibi-arusi tayari ameitwa. Zile sabato zimekwisha, na tayari kwa kuitwa kwa Wayahudi. Waende wapi? Ile sikukuu ya Upatanisho. Loo, enyi kanisa, hamwoni jambo hilo? Wanaitiwa ile sikukuu ya Upatanisho, (ati nini?) wapate kuutambua ule Upatanisho; si tena kuku na bata, na yale wamekuwa wakifanya. “Mwana-Kondoo wa Mungu, aliyechinjwa tangu kuwekwa misingi ya ulimwengu,” Israeli watajua jambo Hilo.

²³² Angalia, hili hapa jambo kuu. Angalia! Loo, jamani! Roho Mtakatifu amefungwa na madhehebu, miaka hii yote elfu mbili. Tunaona kwamba, amefungwa. Sasa angalia zile sabato, sabato saba, hawangefikia umbali huo wote. Bi—Biblia ilisema, “Kutakuwa na siku ambayo itakuwa si usiku wala mchana.”

²³³ “Na Maandiko yote,” Yesu alisema, “hayana budi kutimizwa.” Hiyo ni kweli? Semeni, “Amina.” [Kusanyiko linasema, “Amina”—Mh.]

²³⁴ Nabii alisema, “Kutakuwa na siku ambayo haiwezi kuitwa mchana wala usiku, bali wakati wa jioni itakuwa Nuru.”

²³⁵ Ilikuwa nini? Jua lile lile linaloangaza Mashariki ndilo jua lile lile linaloangaza Magharibi.

²³⁶ Kila wakati hilo jua linapochomoza, na linaenda upande mmoja hata mwengine na kutua, linamaanisha maisha yako. Mtoto mchanga anazaliwa, mnyonge, asubuhi moja. Yapata saa mbili, anaenda shuleni. Saa tano u nusu, ametoka shuleni, ni joto la mchana. Ndipo linaanza kutua, kwenye umri wa miaka hamsini, sitini, sabini, themanini, tisini. Linakaa kule ng'ambo kisha linakufa; halafu linearudi tena siku ya pili, na kusema, “Kuna uhai, mauti, kuzikwa kufufuka.”

²³⁷ Halafu, angalia, ustaarabu umeambatana na jua. Ustaarabu tulio nao wa kale sana ni Uchina. Mtu ye yote anajua jambo hilo.

²³⁸ Roho Mtakatifu alianguka wapi? Katika nchi ya Kimashariki, juu ya watu wa Kimashariki. Nayo Injili imesafiri pamoja na jua. Ilitoka wapi? Kutoka kule Mashariki, ikaingia Ujerumani, kutoka Ujerumani ikaenda Uingereza... Ikavuka ule mlangobahari mara tatu. Ile Mediterrania hatia Ujerumani, kutoka Ujerumani... Kutoka Mediterrania, kutoka Mashariki, ikaingia Ujerumani, kupitia Mediterrania; kutoka Ujerumani, ikavuka Mlangobahari ya Uingereza, ikaingia

Uingereza; kutoka Mlangobahari ya Uingereza, ikavuka Pasifiki ikaingia . . . ama Atlantiki, ikaingia Marekani.

²³⁹ Na sasa iko kwenye Pwani ya Magharibi. Imevuka taifa hili ambalo ililistaarabisha kisha ikavuka, na kuendelea. Ustaarabu husafiri; Injili imesafiri pamoja nao. Sasa watu ovyo wote wako kwenye Pwani ya Magharibi, kwenye kila kitu ilichookota, kama vile wimbi linavyokuja.

²⁴⁰ Bali nabii alisema, “Jua halitaangaza mchana; itakuwa siku yenye ukungu.” Wamekuwa na Nuru ya kutosha, kama vile siku halisi ya mvua, wangeweza kujiunga na makanisa, na kumwamini Bwana, na mambo kama hayo. Lakini, ye ye alisema, “Katika wakati wa jioni, mawingu yataondoka, madhehebu yataisha.” Na Injili ile ile, Neno lile lile lililofanyika mwili, kama alivyoahidi katika Luka 17:30 . . . 3 Injili ile ile, na jambo lile lile, lingetukia katika wakati wa jioni, wakati vivuli vinafifia. Injili ile ile, Kristo yule yule aliyeishi katika mwili kule nyuma hapo mwanzo, juu ya watu wa Mashariki, ataishi tena katika watu wa Magharibi katika wakati wa mwisho. “Itakuwa Nuru wakati wa jioni.”

²⁴¹ “Maandiko yote yametiwa pumzi,” na hayawezi kutanguka.

²⁴² Zile siku kubwa hamsini zimepita. Sikuu ya pentekoste imepita, sabato saba; hata kwenye zile baragumu, mfano wa Wakati wa Saba wa Kanisa. Kumbukeni, kumbukeni, ile ya sita . . . chini ya Baragumu ya Sita, Wayahudi . . . Naam, mnasikiza? [Kusanyiko linasema, “Amina.”—Mh.] Chini ya Baragumu ya Sita, Wa—Wapentekoste wanaikataa Biblia; wa—walio vuguvugu, si Wapentekoste tu, hao wengine wote. Ulimwengu wa kanisa unamkataa Kristo Naye anawekwa upande wa nje. Na katika baragumu ile ile . . . Na Muhuri ile ile, hasa, ilipofunguliwa, kumwonyesha Yesu akiwa nje ya kanisa, akijaribu kurudi ndani; wakati ule ule, Baragumu inapigwa kwa ajili ya Wayahudi, nao Wayahudi wanautambua ule Upatanisho. Utukufu! Haleluya! Loo, jamani!

²⁴³ Roho Mtakatifu amefungwa kwenye mito ya kimadhehebu, kwa karibu miaka elfu mbili, bali atafunguliwa wakati wa jioni, na Ujumbe wa wakati wa jioni. Roho Mtakatifu amerudi Kanisani tena; Kristo, Mwenyewe, akifunuliwa katika mwili wa kibinadamu, wakati wa jioni. Yeye alisema. Yeye aliahidi jambo hilo.

²⁴⁴ Kulikuwa na hatua tatu zake, kama nilivyosema. Wale wafia imani, ule wakati wa wafia imani, kwa ajili yake; na halafu ule wakati wa watengenezaji; na sasa ni wakati wa kuitwa watoke.

²⁴⁵ Wakati utakapokwisha, kwenye Wakati wa Laodikia, kulingana na Ufunuo 10, siri ya Biblia nzima ingejulikana kwa Bibi-arusi. Hiyo ni kweli? [Kusanyiko, “Amina.”—Mh.] Ufunuo 10. Sikizeni kwa makini sasa. Ah—haa. Bibi-arusi, aliyeitwa kwa Neno, Kristo Mwenyewe akiita Bibi-arusi, akiifanya dhahiri

Waebrania 13:8, ya kwamba ni “Yeye yule jana, leo, na hata milele,” anafanya jambo lile lile, ni yeye yule. “Yeye aniaminiye Mimi, kazi nizifanyazo Mimi, yeye naye atazifanya.” Mnaona? Luka 22 . . . Ama, Luka 17:30, na pia Malaki 4, Waebrania 4:12, Maandiko yote haya yaliyoahidiwa, hii itakuwa kati ya Muhuri ya Sita na ya Saba, na Baragumu ya Sita na ya Saba.

²⁴⁶ Sikukuu ya Pentekoste inaishia kwenye wakati Baragumu ya Saba, kwa maana inayofuata ni kuja kwa . . . Muhuri ya Saba, kwa maana inayofuata ni ile siri ya kule Kuja kwa Kristo, na, pia, Baragumu inapigwa kwa ajili ya Wayahudi. Baragumu yao ya Sita inapigwa, na, wakati inapopigwa, inawajulisha wao Mwana wa Mungu aliyefunuliwa; muda mmoja wa nusu saa. Kumbukeni, Baragumu zote zinalia kwenye hii Muhuri wa Sita. Ile Muhuri ya Sita inamaliza hiyo siri, chini ya Muhuri ya Sita, kabla tu ile ya Saba haijafunguliwa.

²⁴⁷ Angalia, hapa katika Mambo ya Walawi 23:26. Jinsi Maandiko yalivyo kwenye taratibu! Baada ya kile kipindi kirefu cha pentekoste, ambayo Israeli iliikataa kule nyuma; Naye akaita Kanisa la Kimataifa litoke, kupitia hii sikukuu ya kipentekoste. Ni wangapi wanafahamu sikukuu ya pentekoste ni nini? Ni tunda la . . . malimbuko ya mavuno, malimbuko ya ufufuo, sikukuu ya pentekoste.

Msikose jambo hili, enyi watu! Na, nyinyi mlioko kwenye kanda, sikizeni kwa makini!

²⁴⁸ Huu umekuwa wakati wa sikukuu ya pentekoste. Wayahudi wamekaa kimya; waliikataa. Sasa hawana budi kuitwa waurudie ule Upatanisho. Tunajua Upatanisho ulikuwa ni Nani; wao hawakuju. Na Baragumu ilipigwa, baada ya ile yubile ya pentekoste, inawaita Wayahudi pamoja. Je! hamwezi kuona jinsi hiyo Baragumu, ya yale mateso chini ya Hitler na hao wengine, ilivyolia? Nao Wayahudi walilazimishwa kukutanika, kutimiza Maandiko.

²⁴⁹ Sasa mnafahamu? Wale wote waliofahamu, semeni, “Amina.” [Kusanyiko linasema, “Amina.”—Mh.] Vema. Sawa.

²⁵⁰ Angalia hapa katika Mambo ya Walawi, 26 sasa, utaratibu wa Maandiko. Baada ya kile kipindi kirefu cha pentekoste, ambacho kinaishia katika kuitwa kwa Bibi-arusi, Bibi-arusi anaitwa na mtumishi fulani atoke. Yule Aliyekataliwa, pili, atajulikana kwa Israeli, ile sikukuu ya Upatanisho. Angalia, hapa ni sawasawa na kwenye Mambo ya Walawi sura ya 16, sasa, wakati Yeye alipoamuru ile sikukuu ya pentekoste . . . ama sikukuu ya upatanisho, bali katika mahali hapa wao wanaitwa . . .

²⁵¹ Loo, jinsi lilivyo kamilifu! Lifahamuni, enyi wahubiri. Mnaona? Msikose, enyi wahudumu.

²⁵² Katika sikukuu hii ya pentekoste, ambayo imewakilishwa katika Mambo ya Walawi 23:26, ama 23 na 24, ni sikukuu ya

kuomboleza, si ya kuchinja, ya sikukuu. Sikukuu ilichinjwa... ule upatanisho ulichinjwa, hasa. Ule upatanisho ulichinjwa. Mambo ya Walawi 16, inakwenda sambamba kabisa nayo. Ila tu, katika mahali hapa, ni kuitwa kwa Israeli waomboleze kwa ajili ya dhambi zao. Jinsi lilivyo kamilifu, leo! Si kule kuchinjwa tena kwa Huyo; ambako, Musa alionyesha mfano, kwa kuupiga ule mwamba mara ya pili; haikufanya kazi. Si kuchinja, kwa sikukuu; bali kuomboleza, kwa kuukataa ule Upatanisho. Loo, jamani! Hii itakuwa Baragumu; sikukuu, utakataliwa, halafu Masihi wao anajulikana.

²⁵³ Angalia, wao watamjua Masihi wao watakapomwona Yeye. Yeye anakuja katika nguvu, wakati huu, Yule waliyemtarajia. Yeye anakuja katika nguvu, kwa ajili ya Bibi-arusi wa Kimataifa, nao Wayahudi watamtambua Yeye. Halafu nayo Biblia inasema... Ndiyo kwanza tumalizie kuhubiri juu yake hapa, yapata miezi sita iliyopita, ama zaidi. Biblia inasema, wakati wanaposema, “Ulipata wapi jeraha hizo?” Ni wangapi wanakumbuka Ujumbe huo? Inueni mikono yenu. Hakika, ninyi... Mnaona? “Ulipata wapi jeraha hizo?”

Yeye akasema, “Katika nyumba ya rafiki Zangu.”

²⁵⁴ Mnanikumbuka nikihubiri juu ya ule—ule wakati ambapo Yakobo alikuwa amewatuma wana wa Israeli kule chini kuleta posho, na kile chakula na posho, na jinsi Yusufu alijifanya hawajui; na jinsi mambo haya yote yolivyoendelea, halafu akajitambulisha? Mnakumbuka? Nao waliogopa sana, wakaanza kulia. Sawasawa na taabu yake Yakobo.

²⁵⁵ Na hapa tunaona Wayahudi chini ya mateso; hawajui wanakosimama sasa, bali wanarudi.

²⁵⁶ Nao wanapoonaa ule Upatanisho ukitokea, Biblia ilisema, “Watakapo-...?... wao walisema watatengana nyumba moja na nyingine, na kulia kwa siku nyingi, kama familia ambayo imepoteza mwana wao wa pekee. ‘Ulipata wapi jeraha hizo?’”

Yeye akasema, “Katika nyumba ya rafiki Zangu.” Mnaona?

²⁵⁷ Kumbuka, Bibi-arusi tayari yuko Mbinguni; mke wa Yusufu alikuwa kwenye ikulu. Naye Yusufu akaondosha kila kitu karibu naye, na yeye mwenyewe akajitambulisha kwa ndugu zake; unaona, Mke Wake na watoto na wengineo walikuwa katika ikulu aliporudi kujitambulisha Mwenyewe kwa wale Wayahudi. Huo hapo ule Upatanisho. Hiyo hapo sauti yenu ya baragumu. Hapo ndipo wao wanaposema, “Loo!” Ni nini? Huo hapo ule Upatanisho. “Jeraha hizo zilitoka wapi?” Huo hapo.

“Katika nyumba ya rafiki Zangu.”

²⁵⁸ Mnakumbuka vile ndugu za Yusufu walivyosema? Mbona, wao walisema, “Sasa tutauawa, bila shaka. Tulifanya jambo hilo. Tulifanya uovu kama huo.”

²⁵⁹ Yeye akasema, "La, Mungu alifanya jambo hili kusudi aokoe maisha." Mnaikumbuka hiyo hadithi, katika Mwanzo? Mnaona? Mnaoana? Vivyo hivyo Yeye alifanya jambo hilo namna hii, kuyaokoa maisha ya Mataifa, Bibi-arusi. Kasema, "Nilizipata katika nyumba ya rafiki Yangu; bali usikasirike, unaona, usiogope wewe mwenyewe."

²⁶⁰ Wao wanasema, "Loo, jamani! Kweli tulikosa kumwona Yeye? Huyo ndiye aliyekuwa ule Upatanisho, nasi tukaukosa Huo? Ee Mungu!" Nao wakasema, "Wao wanajitenga tu, na kuomboleza kwa siku nyngi." Ni nini? Ule Upatanisho; huzuni. Wakati huu, kule kuja kwa kujitambulisha, Upatanisho, si ule upatanisho wa kawaida wa kuchinjwa, kama vile katika Mambo ya Walawi 16. Bali Mambo ya Walawi 23 ni wakati wa maombolezoo, wa dhambi zao. Na, dhambi zao zilikuwa, wao waliukataa Huo.

²⁶¹ Loo, je! hamwoni tulipo? Hamwoni kwa nini hizo Baragumu hazina maana kwetu? Zote zilipigwa chini ya Muhuri yetu ya Sita. Mnaona sasa kwa nini Roho Mtakatifu hangeniruhusu kunena habari zake? Naye Baba wa Mbinguni anajua, nikiwa na Biblia hii mbele zangu, ya kwamba jambo hilo ni Kweli. Sikujua jambo hilo mpaka jana, juzi; chumbani mwangu kule ambako Yeye alinifunulia, akaja kwangu akanena nami. Nikarudi, nikasema, "Mke wangu, nimelipata sasa. Ndiyo kwanza Yeye akutane nami mle ndani na kuniambia. Hili hapa, mpenzi." Mnaona? Mnaona, hilo hapo, mnaona, katika upatanano mkamilifu tu.

²⁶² Loo, watu wasio Naye, ingieni haraka! Huenda ikawa ndiyo nafasi ya mwisho mtakayowahi kupata. Hamjui ni wakati gani anaoweza kuja.

²⁶³ Sikukuu ya baragumu. Biblia yasema, "Wao wangejitenga wenyewe, mmoja kwa mwingine, na kuomba na kuomboleza, kwa maana ni kama mtu aliyepoteza mtoto wao wa kwanza."

²⁶⁴ Angalia, nataka kusema jambo moja zaidi. Kwa makini sasa; msikose jambo hili. Jinsi linavyoingia moyoni! Kutoka kwa Ujumbe wa malaika wa saba (yule mjambe wa ile Muhuri ya Saba) katika Ufunuo 10, ilikuwa Muhuri ya Saba, hata kwenye Baragumu Saba, katikati ya nyakati hizo mbili . . .

²⁶⁵ [Ndugu Branham anapiga makofi mara moja—Mh.] Ee Mungu, tusemeje jambo Hili, kusudi watu wapate kuliona?

²⁶⁶ Ni kati ya hiyo Baragumu ya Sita, na Baragumu ya Sita na . . . Baragumu ya Sita na Muhuri ya Sita zinatoa sauti wakati mmoja. Na kati ya Baragumu ya Sita na Baragumu ya Saba, kuna nabii atakayetokea mbele ya Mataifa, kuwaita watu warudi kwenye Fundisho la asili la pentekoste; na wale mashahidi wawili wa Ufunuo 11 wanatokea kwa Wayahudi, kuwapeleka kwa Yesu, huku nalo Kanisa linanyakuliwa. Wote hao, manabii! Amina! Neno la Bwana haliwezi kutenguka.

Haitakuwa madhehebu! [Ndugu Branham anagonga mara kadha mimbarani—Mh.] Mnaona jambo hilo?

²⁶⁷ Someni katika Kitabu chenu hapa muone kama kwamba katikati ya Baragumu ya Sita na Saba jambo hili halijaingizwa mle ndani, kuwaacha Wayahudi kuitwa watoke katikati ya lile Pigo la Sita na la Saba, tunakuja kwenye wale mia moja na arobaini na nne elfu (mnakumbuka jambo hilo?), ambao walikuwa katikati ya hayo. Mnakumbuka? Katikati ya—ya—ya ile Sita, Muhuri ya Tano na Muhuri ya Sita... Kati ya Muhuri ya Sita na Muhuri ya Saba, kulikuweko na kuitwa kwa wale mia na arobaini na nne elfu. Mnakumbuka jambo hilo? Sasa hapo ndipo hizi baragumu zinapoingilia papo hapo, mnaona, na yale mateso, na wale farasi waliofunguliwa kule.

²⁶⁸ Halafu, kati ya hizo, ndipo ilikuwa kuwe na Ujumbe wa malaika wa saba, ambaye alikuwa anahubiri na kuwahukumu Wapentekoste. Naye Yesu alikwisha kuwekwa nje; hakuna mtu ambaye angeshirikiana naye, amewekwa nje, amekataliwa. Biblia ilisema jambo hilo. Kwa kuwa, ni Kristo aliyedhihirishwa mionganii mwetu, Yesu mionganii mwetu sisi sote, amedhihirishwa katika usafi wa Neno Lake, akilifunua. Na kama hiyo ni...

²⁶⁹ Hili si jambo tu la kujibunia, enyi marafiki. Hii ni BWANA ASEMA HIVI, Maandiko.

²⁷⁰ Wakati uo huo... Sasa, mara Kanisa hili (Bibi-arusi) limevutwa pamoja, linanyakuliwa; na ile siri ya Muhuri ya Saba, ama Muhuri ya Saba, ile siri ya kuondoka. Nao Wayahudi wanaitwa kwa siri ya Baragumu ya Saba, ambayo ni manabii wawili, Elia na Musa, nao wanarudi. Na hapo ndipo Wapentekoste wamechanganyikiwa kabisa; wanatazamia jambo fulani kutukia, na Kanisa limekwisha ondoka. Na hiyo ni kwa Wayahudi.

²⁷¹ Sasa, nahisi katika nia ya mtu fulani, akisema, "Huyu hangaliweza kuwa ni Musa." Naam, ndiye. Sasa, mnakumbuka, Yeye anaweza kuniambia mawazo yenu. A-haa. A-haa. Ninaendelea kuhisi jambo hilo ambalo... Sawa.

²⁷² Hebu ninyoshe jambo hilo kwa ajili yenu. Ilikuwa ni Musa. Maana, haya hapa mawazo yenu. Mnasema, ya kwamba, "Musa, haingaliweza kuwa ni Musa, maana Musa alikuufa." Mnafikiri ni Eliya. Ni Eliya, kweli. Wakati, unafikiri, "Ni Henoko." Unasema, "Musa tayari amekufa." Bali, kumbuka, yeye anaweza kufufuka tena. Alifanya hivyo. Miaka mia nane baadaye, miaka kadha baadaye, Yeye alionekana kwenye Mlima wa Kugeuzwa. Unasema, "Baada ya mtu kufa?" Naam, bwana. Lazaro alikuwa amekufa; akafufuka tena; halafu ikambidi kufa tena. Mnaona? Hakika. A-haa. Na hata waovu watafufuliwa tena, halafu itawabidi kufa mauti ya pili. Hiyo ni kweli? Kwa hiyo ondoa hilo niani mwako. Ni Musa. Angalia huduma yako, ni vile

tu hasa Musa na Eliya walivyofanya; wakaifunga mbingu na kuinyunyizia moto. Mnajua ni kitu gani walifanya.

²⁷³ Wazia jambo hilo! Ni wakati wa mwisho, jamani. Haleluya! Ile Siku kuu ya Bwana imekaribia. Jikusanyeni pamoja. Sikukuu ya Masihi; wao watamkataa Yeye, nao wataona kwamba huyo ni Masihi wao. Biblia ilisema hayo mambo ya kustaajabisha kama haya yatatukia.

²⁷⁴ Katika Ujfunuo 11, kuita, huduma yao itakuwa huduma ya Musa na Eliya wakiita Israeli, kutoka kwenye mapokeo ya Wayahudi; kama tu vile ule Ujumbe wa malaika wa saba uliviyomwita Bibi-arusi atoke kutoka kwenye mapokeo ya Kipentekoste. Kumbukeni, Musa na Eliya watawaita Israeli watoke kwenye ule upatanisho wa mwana-kondoo, na kondoo, na damu, na mbuzi, na sadaka, kuingia kwenye Dhabihu iliyo halisi, kwenye Neno.

²⁷⁵ Na Ujumbe wa malaika wa saba, chini ya Baragumu ile ile, kila kitu sawasawa hasa, Muhuri ile ile, unapaswa (kufanya nini?) kuwaita watu, Bibi-arusi, kutoka kwenye mapokeo ya Kipentekoste na ya kilimwengu, waingie kwenye ule Upatanisho halisi, Neno, Kristo akiwakilishwa katika Neno Lake hapa, akifanywa mwili kati yetu. Sayansi imethibitisha jambo hilo, kwa picha. Kanisa linajua jambo hilo, kila mahali ulimwenguni. Sisi tunajua yakini, kwa maana Yeye hajatwambia jambo moja katika BWANA ASEMA HIVI ila lile lilolokuwa Kweli. Hivi Yeye hakusema, kule chini mtoni, “Kama vile Yohana Mbatizaji aliviyotumwa, vivyo hivyo Ujumbe huu . . .”

²⁷⁶ Nimeinua macho yangu, na ni saa sita. Usiku wa manane uko hapa, enyi marafiki, umetuulia. Mnaona jinsi Maandiko yalivyo makamilifu? Kikamilifu, jinsi Hayo . . .

²⁷⁷ Hayo, angalia, hayo hayatakuwa madhehebu fulani yatakayoshuka yaende kule na kuwaita Wayahudi. Itakuwa watu wawili, Musa na Eliya. Wote wawili, manabii.

²⁷⁸ Sasa angalia. Kuwaita Mataifa, Bibi-arusi atoke, Yeye aliahidi katika Malaki 4 kufanya jambo lile lile.

²⁷⁹ Na Biblia ilisema Yeye angefukuzwa kanisani, katika Wakati wa Saba wa Kanisa. Yeye angefukuzwa kanisani. Litakuwa jeusi kabisa, na liende . . . Linakuwa jeusi wapi? Linaingia katika utaratibu huu wa kidini, likaingia kwenye baraza hili la ekumenia, Baraza la Makanisa Ulimwenguni. Hilo . . . Yeye anatolewa nje kabisa. Neno Lake, wao hata hawawezi kukubaliana Nalo. Mnajua hawawezi. Hawawezi kukubaliana katika makundi yao madogo ya mtaa; wao watakubalianaje katika jambo Hilo? Kwa hiyo, wao wanachukua alama nyingine ya mnyama, sanamu ya mnyama. Kumbukeni, Biblia ilisema, “Kulikuweko na sanamu iliyofanyiwa yule mnyama.”

²⁸⁰ Na Marekani hii daima imekuwa namba kumi na tatu. Ilianiza na mikoa kumi na mitatu, koloni kumi na tatu; nyota

kumi na tatu, milia kumi na mitatu; namba kumi na tatu, na daima ni mwanamke. Inatokea katika sura ya kumi na tatu ya Ufunuo. Na, kwanza, ni mwana-kondoo; upole, uhuru wa kunena, uhuru wa dini, na kadhalika; halafu wanapokea mamlaka, na kunena kwa uwezo wote aliokuwa nao yule joka mbele yake. Ni nini? Yule joka alikuwa nini? Rumi. Mnaona, alikuwa na alama, sanamu ya myyama, iliyoinku dhidi ya Kanisa halisi la Mungu. Chini ya hayo madhehebu, watakitesa kitu hiki! Lakini, watakapoanza kufanya jambo hilo:

Mwana-Kondoo atamchukua Bibi-arusi Wake
awe daima karibu Naye,
Majeshi yote ya Mbinguni yatakusanyika;
Loo, itakuwa tamasha yenye fahari, huku
watakatifu wote wamevalia mvazi meupe
yasiyo ya waa;
Nao watafanya karamu na Yesu milele. Amina!
“Njoo ule,” Bwana aita, “Njoo ule.” Amina!

²⁸¹ Ni siku ya jinsi gani tunayoishi, ile saa! Kimbieni, enyi watu, kimbieni mkayaokoe maisha yenu!

²⁸² Angalia sasa, katika kufunga, ile huduma kama ya malaika wa saba. Hao mashahidi wawili,...?...Baragumu Saba, kabla tu...ama, Baragumu ya Sita, kabla tu ya ile Baragumu ya Saba kwish-...

²⁸³ Sasa, kumbuka, nami niliwaambia ningerudia jambo hili, “Ile Baragumu Kubwa.” Yeye alisema, Yeye angefanyaje, huku katika Isaya? Yeye alisema, kwenye... “Ile Tarumbeta Kubwa ingepigwa. Ile Tarumbeta Kubwa!” Si Baragumu sasa, sikukuu ya baragumu; kuna wawili, Musa na Eliya, kuita ile Baragumu. Lakini, chini ya “ile Tarumbeta Kubwa,” kule Kuja kwa Bwana, kutangaza kurudi kwa Yusufu, mnaona, ya kwamba mataifa yote yatakusanyika Yerusalem. Amina. Mnapata hayo katika Kitabu cha Isaya. Niliwapa hicho, muda kidogo uliopita, moja ya hizo sura tulizosoma; hiyo ni katika Isaya 18:1 na 3. Na katika Isaya 27:12 na 13, ndipo Yeye anapopiga hiyo “Baragumu,” na mataifa yote yataitambua Israeli katika nchi ya uenyeji wao, Mungu akiwa pamoja naye.

²⁸⁴ Ndipo Bibi-arusi atakuja kuwa pamoja na Bwana Arusi, naye Bwana Arusi atakuwa pamoja na Bibi-arusi; halafu ule Utawala wa Miaka Elfu, baada ya ulimwengu wote kuangamizwa na makombora ya atomiki. Na kutakuweko na “mbingu mpya na nchi mpya,” tutaishi milele.

²⁸⁵ Tazama, moja kwa moja chini ya... Sasa angalia, huduma ya Musa na ya Eliya itakuwa... Sasa, kila mtu anafahamu? Hebu niseme jambo hili tena. Huduma ya Musa na ya Eliya, katikati ya Baragumu ya Sita na ya Saba, itakuwa ya manabii wawili ambao wata... wao... Israeli sikuzote wanawaamini manabii wao.

²⁸⁶ Sasa, mbona Roho Mtakatifu akaniambia mimi wakati nilipoanza kupanda kwenda kule juu, kuwaonyesha ya kwamba Yeye alikuwa Mwana wa Mungu, kasema, “bado”? Mnakumbuka jambo hilo, yapata miaka mitano iliyopita, nikienda zangu India? [Kusanyiko linasema, “Amina.”—Mh.] Kasema, “Usifanye hivyo.”

²⁸⁷ Nikasema, “Wao walisema, ‘Kama huyu ndiye Masihi, hebu na tumwone akifanya ishara ya nabii. Tunaamini manabii.’”

²⁸⁸ Ndugu Lewi Pethrus na hao wengine walinitumia hizo Biblia; waliposambaza milioni moja ya hizo kwa hao Wayahudi waliotoka Iran na kila mahali, wakirudi, wakikusanyika pamoja, wakawa taifa.

Nikawaza, “Huu ndio wakati wangu.” Nilikuwa tayari... Cairo, Misri.

²⁸⁹ Yeye akasema, “Usifanye jambo hilo sasa. Ile saa haijawadia bado.” Kisha nikarudi nyumbani. A-haa. Loo, jamani!

²⁹⁰ Musa na Eliya hawana budi kuita. Yubile ya pentekoste ingali inaendelea, ama ilikuwa ikiendelea hadi wakati huu. Mnaona? Sasa ile sikukuu ya Baraguma haina budi kujulikana. Na hii hapa ya Malaki 4 haihusiani na ile pale; hata kidogo, hata kidogo. Angalia, tazama hapa, huduma ya Musa na Eliya, ikiwabdalisha na ikiwaita Israeli kutoka kwenye mapokeo ya Wayahudi, sikizeni, kutoka kwenye mapokeo ya Kiyahudi ambayo walikuwa wamejichanganyisha kwayo. Wakiwa manabii, wao wataamini—wao watamwamini yeye, wakiwaita kwenye karamu ya Upatanisho, Kristo, kuwaacha wamtambue Kristo. Wao watasema, “Yeye yuaja. Atakuwa hapa.” Wayahudi watakuwa wakikusanyika, mambo kama hayo.

Ndipo wakati Yeye atakapokuja, atasema, “Mimi hapa.” Mnaona?

“Uliyapata wapi hayo majeraha?”

“Katika nyumba ya rafiki Zangu.”

²⁹¹ Sasa, sawasawa na waliyofanya manabii hao wawili! Kumbuka, Bibi-arusi wa Kimataifa anapaswa kuwa na nabii, anayeitwa Elia, Eliya, ambaye atawaita kutoka kwenye mapokeo yao, Bibi-arusi; sawasawa tu vile hao manabii walivyowaita Wayahudi kutoka kwenye Uyuda, kuingia kwa Kristo, ule Upatanisho. Nao Mataifa tayari wanajua ule Upatanisho, bali ni kumwita Bibi-arusi arudi kwenye ule Upatanisho wa asili, mahali ambapo hizi (hamsini) sabato hamsini wao... Sabato hizi zote saba ambazo wao wameziacha; wawaite warudi kwenye wakati wa mwisho. Zile saba... Sikizeni! Yule mjumbe wa Saba wa Kanisa, yule mjumbe wa Baragumu ya Saba, wote ni manabii. Sasa, hiyo ni kweli.

Walioingizwa, ni wale mia na arobaini na nne elfu.

²⁹² Kuitwa, zile Muhuri, ambazo zilikuwa za Mataifa. Ilipaswa ziwe za Mataifa, kufunguliwa kwa Mataifa, kuona Kanisa la Kimataifa. Hayo tu ndiyo tunayojuia. Hayo tu ndiyo tutakayosikiza; yale ambayo yamekwisha pita. Tunamtazamia Yesu.

²⁹³ Mnasema, “Sasa, ngoja kidogo, Ndugu Branham, naamini watafanya jambo *hili*.”

²⁹⁴ Ishara ya mwisho ambayo Ibrahimu... Nasi ni Uzao wa kifalme wa Ibrahimu; Bibi-arusi. Ishara ya mwisho ambayo Ibrahimu aliwahi kuona kabla ya ile ishara iliyoahidiwa kuja... mwana aliyahidiwa akaja, alikuwa nani? Mungu, katika umbo la mwanadamu, ambaye aliweza kuyatambua mawazo ya watu; mtu mmoja, si dazani; mtu mmoja, haidhuru kuna miigo mingapi. Wao walikuwa na Mmoja, Naye akatambua mawazo yaliyokuwa mle ndani. Nini? Na, jambo la pili lililotukia, Ibrahimu na Sara wakageuka wakawa kijana mwanamume na mwanamke. Tunajua jambo hilo.

²⁹⁵ Naam, najua kwa namna fulani hilo linawakaba kidogo. Lakini, kumbukeni, ili kwamba tu muwe na hakika mtajua sasa... Hamsomi Biblia namna hii, mnasoma katikati ya mistari na kuona, kuifanya ile picha ije.

²⁹⁶ Angalia. Sara alikuwa mwanamke mzee. Biblia ilisema yeye, wao... “Tumbo lake la uzazi lilikuwa limekufa.” Sivyo? “Uhai wa Ibrahimu ulikuwa umekufa ndani yake, mbegu yake.” Sivyo?

²⁹⁷ Sasa, kumbuka, mbegu ya Ibrahimu ilikuwa imekufa. Miaka arobaini baadaye alikuwa na wana saba kwa mwanamke mwingine. Yeye alifanya nini? Aliibadilisha miili yao.

²⁹⁸ Angalia, walifanya safari ya maili mia tatu, wakashuka wakaenda Gerari, safari ndefu sana kwa mzee. Kasema...

²⁹⁹ Naye Sara hata alifikiri wao hawangeweza kuwa na uhusiano wa kifamilia. Yeye alisema, “Mimi...” Miaka ishirini ama zaidi, labda, kabla hawajakuwa na uhusiano wa kifamilia. Kasema, “Mimi niwapo mkongwe, na bwana wangu, pia; nitapata furaha tena, kama vijana?”

Akasema, “Kuna neno lililo gumu sana kwa Mungu?”

³⁰⁰ Angalia yaliyotukia. Mara akageuka akawa kijana mwanamke mrembo. Ikionyesha, mle ndani, ikionyesha atakayofanya kwa Mzao wa kifalme wa Ibrahimu, apate kupokea Mwana aliyahidiwa. Aligeuka akawa kijana...

³⁰¹ Angalia, walishuka wakaenda Gerari. Na nini kilitukia? Abimeleki, mfalme, akampenda, kasema, “Yeye ni mzuri, na mrembo,” naye alikuwa anataka kumwoa. Sivyo? Nyanya kizee; na wasichana wote hao wengine warembo kule chini. Nyanya, “Yeye ni mrembo. Ana sura nzuri.” Mnaona?

³⁰² Mungu alibadilisha mwili wake, na akawageuza. Ni siri itakayofunuliwa katika siku hii, na Mwana wa Adamu, mnaona,

Ujumbe wa jioni. Mnaona? Akageuzwa! Na hiyo ilikuwa ishara ya mwisho waliyoona, ilikuwa (nini?) huo utambuzi, kabla ya kule kubadilishwa kwa mwili kuja.

³⁰³ Na hata kabla hatujaweza kumpokea yule Mwana, nini kinatukia? "Baragumu ya Mungu italia; waliokufa katika Kristo watafufuka kwanza, mwili mpya; nasi tulio hai na tuliosalia tutabadiishwa, katika dakika moja, kufumba na kufumbua." Haleluya, "nasi tutanyakuliwa pamoja, kumlaki Bwana hewani." Hiyo siri imefunuliwa; zile Muhuri zimefunguliwa.

³⁰⁴ Baragumu ikilia kwa ajili ya Israeli; wale manabii wawili wako tayari kutokea. Ni kitu gani? Kanisa halina budi kuondoka jukwaani sasa hivi, kusudi wapate kutokea. Yeye hawezি kujishughulisha na wawili wakati uo huo; Yeye hajawahi kufanya hivyo. Mnaona?

³⁰⁵ Loo, ndugu, angalia! Sawa hasa, kuwaita wote, kuwaita watoke kwenye madhehebu na mapokeo. Sasa tunaona kanisa la wakati wa kipentekoste limekwisha.

³⁰⁶ Bibi-arusi hana budi kuondoka njiani, apate kwenda juu sasa; kusudi wale watumishi wawili, wale watumishi wawili wa Mungu, katika Ufunuo, wale manabii wawili, wapate kujitokeza, kusudi wawapigie ile Baragumu ya Saba, wawajulishe Kristo.

³⁰⁷ Yule malaika wa saba, mjumbe, aseme, "Tazama Mwana-Kondoo wa Mungu aichukuaye dhambi ya ulimwengu!" Si, "tazama Methodisti yangu, Batisti yangu, Pentekoste yangu." Lakini, "Neno, Mwana wa Mungu, Mwana-Kondoo wa Mungu aichukuaye dhambi ya ulimwengu," kwa kuwa hakuna misingi mingine! Mnaona?

³⁰⁸ Tumefikia wapi? Wayahudi wamo kwenye nchi ya uenyeji wao. Bibi-arusi ameitwa. Kimaandiko, kila kitu ni kama vile hasa Yeye alivyoahidi. Tuko tayari. Ile saa iko hapa.

Mataifa yanavunjika, Israeli inaamka,
Ishara ambazo Biblia ilitabiri;
Siku za Mataifa zimehesabiwa, zimekumbwa
na
huzuni kubwa;
Rudini, enyi mliotawanyika, makwenu.

Siku ya ukombozi imekaribia,
Miyo ya wanadamu inazimia kwa hofu;
Jazweni na Roho wa Mungu, mkazitengeze taa
zenu na mzsafishe,
Inueni macho yenu, ukombozi wenu
umekaribia!

Manabii wa uongo wanadanganya, Kweli ya
 Mungu wanaikana,
 Ya kwamba Yesu aliye Kristo ndiye Mungu
 wetu; hayo ni kweli,
 Bali tutatembea ambapo mitume
 wamekanyaga.

Kwa kuwa siku ya ukombozi imekaribia,
 Miyo ya wanadamu inazimia kwa hofu,
 Jazweni na roho, mkazitengeze taa zenu na
 mzisafishe, (usibahatishe)
 Inueni macho yenu, ukombozi wenu
 umekaribia!

³⁰⁹ Nabii alisema, “Itakuwa Nuru wakati wa jioni.”

Itakuwa Nuru wakati wa jioni,
 Njia iendayo Utukufuni hakika mtaiona;
 Katika njia ya maji ndiko kwenye Nuru leo,
 Kuzikwa katika Jina la thamani la Yesu.
 Vijana kwa wazee, tubuni dhambi zenu zote,
 Roho Mtakatifu hakika ataingia humo ndani;
 Nuru za jioni zimekuja,
 Ni kweli kwamba Mungu na Kristo ni Mmoja.

³¹⁰ Tumewasili! Tuko mwisho. Hilo si jambo la kipumbavu la
 mwanadamu. Hilo ni BWANA ASEMA HIVI.

Na tuviinamishe vichwa vyetu.

³¹¹ Mungu wa rehema, Yehova, Ewe Nwenyezi aliyenguruma
 kwenye Mlima Sinai; na hao watu wakapiga kelele, “Musa na
 aseme nasi, wala si Mungu, tusije tukafa.” Wewe ulisema, Yehova
 Mkuu, “Nitawainulia Nabii. Mimi sitasema nao tena namna
 hii.” Bali Wewe uliahidi kile utakachofanya, Nawe ukakifanya;
 ulituinulia Bwana Yesu. Yeye ni Neno. Ulisema alikuwa hivyo.
 “Hapo mwanzo alikuweko Neno, Naye Neno alikuwako kwa
 Mungu, naye Neno alikuwa Mungu. Naye Neno akafanyika
 mwili, akakaa kwetu.”

³¹² Tunaona mambo ambayo alitutabiria hapa, kupitia kwa
 nabii Wake, Yohana, kwenye kisiwa cha Patimo. Tunaona
 hilo limetimizwa, kikamilifu. Tunamwona Roho Mtakatifu
 amedhahirishwa mionganii mwetu hapa duniani. Tunaona
 madhehebu yakimweka nje ya kanisa; Neno. Wao hawana
 kitu dhidi ya watu; Neno hilo ndilo wanalochukia. Linapinga
 mapokeo yao. Kama tu vile ulivyokuwa hapa duniani, Wewe
 ulikuwa Neno, Nawe ulipinga mapokeo yao; nao wakakutupa nje
 ya makanisa yao, kila mahali.

³¹³ Na sasa, Bwana, hakuna kushirikiana, mahali po pote.
 Najaribu hata kuwingia Afrika Kusini, ambako ninajua kuna
 watu huko wanaongoja bado. Kila mahali, na inaonekana kama
 kwamba hawatanipokea, Bwana. Si kwa ajili yangu, Bwana; ni
 kwa sababu ya Ujumbe huu. Lakini, Wewe ulisema ingekuwa

namna hii, Nawe umetujulisha jambo hilo kusudi tusife moyo. Tunajua saa tunayoishi.

³¹⁴ Mungu, watu hawa wameketi hapa asubuhi ya leo, katika chumba hiki chenye joto, wakiungua. Wamesikiza kwa makini. Wao wanaona sasa, nina hakika. Kama hawaoni, wafunulie jambo hilo, Bwana, kwa nini Wewe hungeniruhusu kuchukua Baragumu hizo. Naona hazina uhusiano wo wote nasi. Kwenye hiyo Baragumu ya Sita hasa, yote yalitendeka, nasi tumekwisha ona ile Muhuri ya Sita ikifunguliwa. Nasi tumeona ono hapa, majuma mawili yaliyopita, ya kuonekana hapo kabla kwa Bibi-arusi na kanisa, kama nilivyolismulia hapa. Kama vile tu ulivyonyionesha, Bwana, nililismulia. Tuko hapa. Huenda ikawa muda umekwenda kuliko tunavyodhania.

³¹⁵ Ee Baba, kama kuna mtu hapa asubuhi ya leo, ambaye—ambaye amechukua tu ushirikina fulani, ushawishi fulani wa kitheolojia, ama neno fulani la kitheolojia ambalo haliambatani na Neno la Mungu! Nao hawamjui Kristo aliye halisi, Roho Mtakatifu aliye halisi. Halijafunuliwa kwao, Neno, bado, jinsi Neno litakavyokuwa katika siku hii. Wao wanaona tu mapokeo. Wao wakiishi katika—katika Nuru ambayo inayopofusha. Kama ule wizi mkubwa sana wa kutumia nguvu uliopata kufanywa ulimwenguni, ulikuwa kule Uingereza, ulifanywa na nuru bandia. Na wizi mkubwa sana wa kutumia nguvu ambao kanisa Lako lilipata kufanyiwa, ulikuwa wakati wao walipochukua nuru ya kimadhehebu na kuikataa Nuru halisi ya Biblia, yule Kristo.

³¹⁶ Ee Mungu, turehemu! Waokoe waliopotea, Bwana. Tafadhali, naomba muda kidogo zaidi, Yesu. Tuna wapendwa. Muda kidogo tu zaidi. Hivi karibuni huo Mwamba mkuu utachongwa mlimani. Tujalie, Bwana, kama kuna mmoja hapa asubuhi hii asiye Nawe, naomba waje hivi sasa, kwa utamu, na kukupokea Wewe.

³¹⁷ Huku vichwa vyetu vikiwa vimeinamishwa. Kama ungeuinua mkono wako, useme, “Nikumbuke, Ndugu Branham.” Hatuna... Madhabahu na kadhalika yamejaa. Mungu awabariki. Sema tu, “Nikumbuke.” Mungu akubariki. Mungu akubariki. Mungu akubariki. Ni mamia tu ya mikono kweli!

³¹⁸ Baba, Mungu, kuna kivuli kidogo mahali fulani. Kiondoe, Bwana. Wao waliketi hapa katika chumba hiki. Usi-... Huenda Shetani aliyapofusha macho yao, katika nyakati zilizopita, bali naomba ya kwamba Wewe utasamehe jambo hilo, kama ulivyofanya kwetu siku nyangi zilizopita. Lakini sasa kwa kuwa umetuita sisi sote tupate kuona... Biblia ilisema walikuwa vifofu. Hawakujuua hilo. Kasema, “Nakupa shauri ununue Kwangu dawa ya macho.” Mungu, tumia dawa ya macho asubuhi hii juu ya macho yao, wapate kuona. Hata hivyo ni nyenyeketu,

katika kundi la watu wanyenyeketu; na wanyenyeketu, wasio na elimu, na kadhalika, bali hata sasa hivyo ndivyo ilivyokuwa hapo mwanzo. Tujalie, Bwana, ya kwamba wao wataipokea sasa hivi. Nawatoa Kwako, katika Jina la Mwanaao, Yesu.

³¹⁹ Nawe ulisema, “Yeye alisikiaye Neno Langu.” Nami nina hakika, Bwana, niujuavyo mimi, wao wamelisikia Hilo. “Na kumwamini Yeye aliyenipeleka,” si kujifanya wanaamini, bali wanaamini kweli, nao wanaamini vile Neno lilivyosema. “Yuna Uzima wa milele, wala hataingia Hukumuni; bali amepita kutoka mautini kuingia Uzimani.” Yohana 5:24.

³²⁰ Tujalie, Bwana, ya kwamba watakuwa Wako, tangu wakati huu na kuendelea. Kama kuna mshangao moyoni mwao, uondoe. Kama kuna mgonjwa mionganoni mwetu, naomba kwamba yule Roho Mtakatifu mkuu, Bwana,... Ambaye, najua yuko; na akifunua mawazo, akisimama hapa jukwaani. Wanajua hayo yote. Naomba ya kwamba Wewe utawaponya, Bwana. Yajibu maswali yote.

³²¹ Kidimbwi kitakuwa tayari kwa wale ambao hawajazikwa majini katika Jina la Yesu Kristo, wakichukua Jina la Bwana Arusi. Wana ule wa kimadhehebu, wa kidini; hakuna mtu aliyepata kubatizwa katika hivyo vyeo vya “Baba, Mwana, na Roho Mtakatifu,” ama kunyunyiziwa; na mambo hayo ya mapokeo ambayo ni ya makanisa ya wakati huu, mwenendo wa mpinga-Kristo, sanamu ya mnyama. Hakuna mtu aliyepata kubatizwa katika Jina la “Baba, Mwana, Roho Mtakatifu,” hadi kanisa Katoliki. Na Biblia nzima, na historia yote, baadaye, inasema wao walibatizwa katika Jina la Yesu.

³²² Paulo alisema, katika Wagalatia 8:1, “Kama Malaika kutoka Mbinguni akija na kuhubiri Injili nyngine yo yote, na alaaniwe.” Nawe uliwaamuru hao watu ambao walikuwa wamebatizwa chini ya Yohana, mtu yule yule aliyebatiza Yesu, waje wakabatizwe tena katika Jina la Yesu Kristo, katika Matendo ya Mitume 19. Kisha kasema, “Usimwache hata Malaika akwambie kitu kingine cho chote.”

³²³ Kutakuja mjambe katika siku ya mwisho, atawaongoza watu wayarudie malimbuko, wairudie Imani ya asili. Tujalie, Bwana, ya kwamba yule Mjambe mkuu mionganoni mwetu sasa, yule Kristo aliye mkuu, Roho Mtakatifu aliyefanywa halisi, aliyefanywa apate kufahamika, kufunguliwa kwa Neno na kulifunua kwetu sisi, jalia awaongoze wairudie ile Imani ya asili ya kipentekoste. Kama alivyosema Petro, kwenye Siku ya Pentekoste, “Tubuni, kila mmoja wenu, mkabatizwe katika Jina la Yesu Kristo mpate ondoleo la dhambi zenu.” Na daima ilikuwa hivyo, kwa kila mtu, hadi kwenye kanisa la Kirumi kule Nikea.

³²⁴ Mungu, turehemu sasa. Kidimbwi kitakuwa tayari; miyo itafunguliwa. Njoo uingie, Bwana Yesu. Tuko katika saa za mwisho. Kama kuna uwezekano, Bwana, wa wao kuja katika

sasa hii; ambapo, natumaini na kuamini ya kwamba upo. Nasi ambaao tuko ndani, Bwana, naomba kwamba tujichunguze sasa, ya kwamba tumeionna na kuisikia Sauti ya Mungu ikinena kupitia Neno Lake, nasi tunaijua saa tunayoishi. Tujalie, Baba. Tunawatoa hao Kwako, katika Jina la Mwanaao.

³²⁵ Sasa huku vichwa vyetu vimeinamishwa.

Yesu anaita kwa upole na kwa upendo
Anakuita wewe . . .



SIKUKUU YA BARAGUMU SWA64-0719M
(The Feast Of The Trumpets)

Ujumbe huu uliohubiriwa na Ndugu William Marrion Branham, uliotolewa hapo awali katika Kiingereza mnamo Jumapili asubuhi, tarehe 19 Julai, 1964 katika Maskani ya Branham kule Jeffersonville, Indiana, Marekani, umetolewa kwénye kanda ya sumaku iliyorekodiwa na kuchapishwa bila kufupishwa katika Kiingereza. Tafsiri hii ya Kiswahili ilichapishwa na kusambazwa na Voice Of God Recordings.

SWAHILI

©1992 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org